

SASIN-TENY

Ny fanangonana ireto fanambarana avy ao amin'ny Fanahin'ny Faminaniana manaraka ireto, izay nataon'i Elder B. E. Wagner, dia nampiasaina niaraka tamin'ireo fampianarana natao tany amin'ny fiangonana maro. Nisy fangatahana ny kôpian'izy ireny marobe tokoa, ka dia noheveriny fa azo atao ny hahatonga azy ireny ho azon'ny diona ampiasaina. Namporisihin'ny olona toa an-dry H. M. S. Richards, ry N. C. Wilson, ry R. A. Anderson, sy ry Walter Schubert, ary ny hafa koa, ny fanelezana izany betsaka.

Vao tsy ela akory izay dia nasehony tao amin'ny fihaonam-pivavahana tao amin'ny University Church ity amboara ity. Faly izahay hahatonga ity fanambarana nangonina ity ho azon'ireo izay maniry hianatra ity lohahevitra anisan'ny lehibe indrindra ity ampiasaina. Koa satria manakaiky ny fotoam-pahafenoan'ny "Ranonorana farany" isika, dia azo antoka fa ilaintsika ny ho voaomana.

Matoky izahay fa ho fitahiana ho an'izay rehetra mamaky azy izy ity.

Paul C. Heubach

*Pasitora voalohany tao amin'ny
University Church*

HAFATR'I KRISTY HO AN'NY SISA

ZAVA-DEHIBE ILAIN'I LAODIKIA

Manantomotra ny fiakaran'ny ady lehibe ifanaovan'i Kristy sy i Satana; manangona sy mandamina ny heriny ho amin'ilay fizarana farany amin'ilay loza eo amin'ny tantaran'ny olombelona i Satana.

Izao no lazaina antsika ao amin'ny Apôk. 12 : 12 : «Loza ho an'ny tany sy ny ranomasina! Fa nidina ho aminareo ny devoly sady manana fahatezerana lehibe, satria fantany fa kely sisa ny androny.»

1 Pet. 5 : 8. «Mahonona tena, miambena; fa ny devoly fahavalonareo mandehandeha tahaka ny liona mierona mitady izay harapany».

Misy fampitandremana mitovy amin'izany nomen'ny iraky ny Tompo an'ireo mambran'ny fiangonana sisa:

8T 298 «Manoloana antsika ny andro mahatahotra. Tokony hifoha ny tsirairay izay mahalala ny fahamarinana, ka hametraka ny tenany sy ny saina amam-panahiny eo ambanin'ny fitsipik'Andriamanitra. Manjohy antsika ny fahavalo. Tsy maintsy mifoha tanteraka isika. sy hiambin-tena ny aminy. Tsy maintsy mitafy ny fiadian'Andriamanitra rehetra isika. Tsy maintsy manaraka ny toro iaiana nomena tamin'ny alalan'ny Fanahin'ny Faminaniana isika. Tsy maintsy tia sy mankato ny fahamarinana ho an'izao andro izao isika. Fa hamonjy antsika tsy hanaiky fahadisoan-kevitra lehibe izany...

5T 67 «Asehoko anareo izay nasehon'Andriamanitra ahy... Izy ireo no nasehon'Andriamanitra ahy tamin'ny fahitana - ny tara-pahazavana sarobidy mamirapiratra avy eo amin'ny seza fiandrianana».

Niteny tamintsika tao amin'ny «Fanambarana ho an'ny Fiangonana» Andriamanitra, ary tao amin'ireo boky izay nanampy hanamora ny adidintsika ankehitriny sy ny toerana tokony ho tanantsika amin'izao fotoana izao. Tokony hotandremana isan'andalana sy isam-pitsipika ireo fampitandremana nomena. Satria, inona no fialan-tsiny azontsika aroso, raha tsy ahoantsika ireny?

MIANDRY ANTSIKA NY FOTOAN-TSAROTRA LEHIBE

Ao anatin'izao ora manjombon'ny tantaran'ny tany izao, dia tena mila ny tara-pahazavana tsirairay mamirapiratra avy eo amin'ny seza fiandrianan'Andriamanitra isika. Fantatsika fa misy fotoan-tsarotra lehibe miandry izao tontolo izao; nefa izao no vakintsika ao amin'ny boky fahadimin'ny Fanambarana pejy faha-711. "misy fotoan-tsarotra lehibe miandry ny vahoakan'Andriamanitra".

D A 636 «Mihamanatona antsika tsikelikely ny fotoan-tsarotra... Hitan'i Satana fa kely sisa ny androny. Efa nampiasainy daholo ny fomba rehetra mba hahatonga ny olona ho kivy, sy ho voafitaka, sy ho revo ary variana, mandra-pifaran'ny andro fizahan-toetra sy hikatonan'ny varavaram-pahasoavana ho mandrakizay».

8T 315 «Misy tafio-drivotra mahery tsy azo ivalozana manatona amin'ny fahatezerany. Voaomana hisetra izany ve isika?»

8T 17 «Misy fitsapana sy fizahan-toetra mahatsiravina miandry ny vahoakan-'Andriamanitra».

8T 37 «Ny toriteny tsirairay dia tokony haompana eo amin'ny foto-kevitra ny fitsarana mahatsiravina hianjady tsy ho ela amin'izao tontolo izao... Andriamanitra anie hanampy ny vahoakany hifoha sy handeha ary hiasa toy ny lehilahy sy vehivavy eo an-tokonom-baravaran'ny tany mandrakizay».

Dimampolo taona mahery talohan'izao (1909), dia nanoratra toy izao ny mpanom-povavin'ny Tompo:

8T 29 «Raha nahatontosa ny adidiny ny miaramilan'i Kristy tsirairay... dia ho efa talohan'izao no ho nandre ny hafatra fampitandremana izao tontolo izao. Nefa dia tara an-taonany maro ny asa».

6T 450 «Raha notanterahin'ny vahoakany ny fikasan'Andriamanitra, tamin'ny fitoriana ny hafatry ny famindrampo tamin'izao tontolo izao, dia efa tokony ho tonga tety an-tany taiohan'izao i Kristy, ary tokony ho efa noharahabaina tonga soa tao amin'ny tanànan'Andriamanitra ny olona masina». (1900).

"Raha misy alaim-panahy hiteny hoe: «Eny, fa tsy mbola nisy nandalo akory ny didim-panjakana momba ny alahady», dia tokony hoheveriny tsara izao fanambarana manaraka izao;

GC 48 «Aoka hisy fifohazan'ny finoana sy ny herin'ny fiangonana voalohany, dia hifoha koa ny fanahin'ny fanenjehana, ary hirehita indray ny afon'ny fanenjehana».

Ary satria nihemotra taona maro ny fiavian'i Jesôsy, ka moa ankehitriny tsy tokony hazoto hikatsaka amim-pivavahana ny tena anton'ity fampihemorana lava ity isika, mba hahazoantsika miomana malaky hanafaingana ny fiaviany?

9T 46 «Raha nifarimbona ny asan'Andriamanitra (Fanahy masina, anjely) sy ny asan'ny olona, dia ho maro dia maro tokoa ny fanahy babon'ny fahamarinana. Nefa natory ireo vahoaka nilaza fa olon'Andriamanitra teo amin'ny fanaovana ny andraikitra nankinina taminy...

Know Him 330 «Miandry izay fomba hahazoany miasa ny Fanahy Masina... Harotsaka amin'ny fiangonana ny Fanahin'Andriamanitra raha vao vonona handray izany ireo fanaka.»

- E W 119, 120 «Hitako fa tsy voaomana ho amin'izay zavatra ho tonga ambonin'ny tany ny sisa. Ny hadomelina, toy ny fitsilamodamohana, no toa mitana ny sain'ny ankabeazan'ireo izay milaza ho mino fa manana ny hafatra farany isika... Misy asa goavana tokony hatao ho an'ny sisa... Izao no ambaran'ny anjely: Misy legionan'anjely ratsy manodidina anareo,... mamela ny eritreritreo ho voasintona mora foana hiala amin'ny asam-piomanana ianareo !... Hoy ny anjely: tokony ho faty ny amin'ny tenany ny mpitandrina ny Sabata...»

Kanefa, tsy misy fialan-tsiny azontsika atao, satria «ny toe-javatra mifamatotra amin'ny fiakaran'ny fizahan-toetra sy ny asam-panomanana ho amin'ny andro mahory, dia efa voaseho mazava tsara». (G C 594).

1T 466 «Saika ireo rehetra milaza ho mino ny fahamarinana ankehitriny, dia tsy voaomana hahafantatra ny asam-piomanana ho amin'izao fotoana izao».

Nandefa hafatra ho an'ny fiangonan'i Laodikia i Kristy, Ilay Vavolombelona Marina (Apôk. 1 : 5), dia hafatra hançmana antsika ho amin'ny Ranonorana Farany, raha nohenoina.

ILAY HAFATRA HO AN'NY VAHOAKAN'I LAODIKIA

Apôk. 3 : 14 - 21: «Ary soraty ho amin'ny anjelin'ny fiangonana any Laodikia; Izao no lazain'ny Amena, dia Ilay Vavolombelona mahatoky sy marina, Izay niandohan'izao zavatra noharin'Andriamanitrà izao: Fantatro ny asanao, fa tsy mangatsiaka na mafana ianao; aleo ho mangatsiaka na ho mafana ianao. Fa satria matimaty ianao ka tsy mafana na mangatsiaka, dia efa haloan'ny vavako ianao; fa hoy ianao: Manan-karena sy efa nihary fananana be aho ka tsy manan-java-mahory; kanjo tsy fantatrao fa ianao no ilay ory sy mahantra sy malahelo sy jamba ary mitanjaka; dia manoro hevitra anao Aho hividy amiko volamena vadio tamin'ny afo, mba hanan-karena ianao, ary fitafiana fotsy hotafianao, mba tsy hisehoan'ny henatrao noho ny fitanjahana, ary odi-maso hahosotrao ny masonao mba hahiratanao. Izay rehetra tiako no anariko sy faiziko, koa dia mazotoa ianao ka mibebaha. Indro, efa mitsangana eo am-baravarana Aho ka mandondona; raha misy mihaino ny feoko ka mamoha ny varavarana, dia hiditra ao aminy Aho ka hiaramisakafo aminy, ary izy amiko. Izay maharesy dia havelako hiara-mipetraka amiko eo ambonin'ny seza fiandrianako, dia tahaka ny nandreseko kosa sy ny niarahako nipetraka, amin'ny Raiko eo ambonin'ny seza fiandrianany».

Tena endriky ny toetra ara-panahin'ny fiangonana sisa mandritra ireo andro farany eo amin'ny tantaran'ny tany, ny hafatra ho an'i Laodikia, sy antso farany ataon'i Kristy ho an'ny sisa alohan'ny fifaranan'ny fizahan-toetra.

Ny anfony mahatonga ny toetran'i Laodikia ho matimaty sy fadiranovana dia satria ny tenany no manjaka ao am-pony, fa i Kristy dia avela ho eo ivelan'ny varavarana.

«Fiampangana mahatsiravina» ny hafatra ho an'i Laodikia (3 T 252) nefa kosa hafapitiavana. Antsom-pitiavana avy amin'Ilay Mpitia lehibe izany. Raha tandremantsika ny toro hevitra ny Vavolombelona Marina, ka vohantsika ny varavarana'ny fo, mba hahazoan'i Kristy hiditra ao, amin'ny alalan'ny solontenany, dia ny Fanahy Masina, dia handray ny herin'Andriamanitra isika, mba handresentsika ny zava-manahirana tsirairay, sy hifaliantsika amin'ny tombon-tsoa lehiben'ny fiaraha-mipetraka amin'i Kristy eo amin'ny fiketrahany.

DA 388 «Amin'ny alalan'ny Fanahy no itoeran'i Kristy ao anatintsika; ary ny Fanahin'Andriamanitra, raisina ao am-po amin'ny alalan'ny finoana, no fiandohan'ny fiainana mandrakizay.»

Aoka isika hianatra amim-pivavahana ireto fanambarana manaraka ireto avy ao amin'ny diam-penin'ny irak'Andriamanitra, momba ity foto-kevitra lehibe indrindra ity izay iankinan'ny ho anjarantsika mandrakizay.

R H Aug 28, 1894 «Tsy maneho ireo matimaty ho toy ny tsy antenaina intsony ny toro hevitra ny Vavolombelona Marina. Fa mbola misy hevitra ihany ny hamonjena azy, ary feno fampaherezana ny hafatra ho an'i Laodikia».

6T 77 «Tsy maintsy hotorina amin'izay rehetra milaza tena ho Kristianina koa ny fampitandremana ho an'ny fiangonana farany. Tsy maintsy hitety ny fiangonana rehetra ny hafatra ho an'i Laodikia, izay maranitra toy ny sabatra roa lela... Moa ve ataontsika ny fiezahana rehetra, mba hahatonga ny fiangonana hahazo ny fampitandremana?»

3T 259 «Hanao ahoana no hiheveran'izy ireo ny hafatry ny Vavolombelona Marina, ho an'i Laodikia? Tsy mety hisy fahadisoan-kevitra eto. Tsy maintsy hoentin'ny mpanompon'Andriamanitra ho amin'ny fiangonana matimaty ity hafatra ity. Tsy maintsy hanaitra ny vahoakany avy eo amin'ny fahatokiany sy fahadisoan-keviny mampidi-doza ny amin'ny tena toerana misy azy eo anatrehan'Andriamanitra izany. Raha raisina ity fanambarana ity, dia hampifoha ho amin'ny asa, ary hitarika ho amin'ny fanetren-tena sy ny fiaiken-keloka».

MH 455 «Ny famitahan-tena noloza lehibe ho an'ny olona».

HT 87 «Ny hany fanantenana ho an'i Laodikia dia ny fahitana mazava ny toerana misy azy eo anatrehan'Andriamanitra ary ny fahalalana ny toetry ny aretiny. Sady tsy mangatsiaka izy no tsy mafana; toerana mihevaheva no misy azy, sady mandoka-tena izy fa tsy mila na inona na inona».

1T 263 «Inona no holazaiko mba hanairana ny vahoakan'Andriamanitra sisa? Naseho ahy fa misy toe-javatra mahatsiravina manoloana antsika;

entin'i Satana sy ny anjelin'ny avokoa ny heriny rehetra mba hamelezana ny vahoakan'Andriamanitra. Fantany fa raha matory ela kokoa izy ireo, dia tsy isalasalany ny aminy, satria azo antoka ny fandevonana azy ireo».

Nahoana ny sisa no tsy voamana hitondra amin-kery lehibe ny hafatry ny anjely fahatelo mandritra ity ora farany amin'ny tantaran'ny tany ity ? Ireto teny manaraka ireto no maneho ny tetik'adin'ny fahavalo.

IREO FITAK'I SATANA

GC 625, 626 «Hisakana azy ireo i Satana, raha azo atao, mba tsy ho voamana ny hijoro amin'izay andro izay. Hamboariny koa ny toe-javatra, mba hisakanana ny lalany sy haningorana azy amin'ny haren'ny tany, sy hanao izay hitondrany enta-mavesatra sy mandrerSka, ka amin'izay ny fony dia ho vesaran'ny ahiahin'izao fiainana izao, ary ho tonga tahaka ny mpangalatra amin'izy ireo ny andron'ny fizahan-toetrà».

9T 43 «Eo am-piasana ny herin'i Satana, mba hitanana ny saina tsy hifantoka amin'ny zava-misy mandrakizay. Namboarin'ny fahavalo ny toe-javatra mba hifanaraka amin'ny fikendreny. Ny raharahan'izao tontolo izao, ny fanatanjahan-tena, ny lamaody amin'izao andro izao - izany no mibahana ao an-tsain'ny lehilahy sy ny vehivavy».

8T 316 «Tokony hivily hiala avy eo amin'ireo zavatra an'arivony misarika ny saina isika. Misy zavatra mandany fotoana sy manaitra oy filàna, nefa tsy mifara na amin'inona na amin'inona. Mitaky fitandremana fatratra sy hery ny zava-mahasoa ambony indrindra, dia fitandremana sy hery izay matetika omena ny zavatra tsy misy vidiny raha ampitahaina amin'iretsy.

«... Ilayna ny hahatsapantsika ny andraikitra ananantsika hanome sakafo ny fanahintsika, izay hamelona sy hanaitaitra ny fiainana ara-panahy».

1T 341 «Manana fironana rahateo hanaraka ny tolo-kevitr'i Satana ny olona, ary tsy afaka hahatohitra amim-pahombiazana ity fahavalo mahatsiravina ity izy, raha tsy mitoetra ao aminy i Kristy, Ilay Mpandresy mahery, ka mitarika ny faniriany ary manome hery azy... Eo am-panomanana ny fitaka hataony i Satana, ka arnin'ny fànafihany farany ny vahoakan'Andriamanitra, dia tsy ho fantatr'ireo fa izy no nanao izany».

(2 Kôr. 11 ; 14).

GC 508 «Manjohy azy ireo isam-potoana ity fahavalo mailo ity».

1 T302 Manjohy antsika isam-potoana ny anjely ratsy».

8T 294 «Izao no teniko amin'ny rehetra. Miambena ianareo, satria i Satana dia mandeha any amin'ny fivoriana rehetra ataon'ny mpiasa Kristianina amin'ny endriky ny anjelin'ny mazava. ary any amin'ny fiangonana tsirairay, ka miezaka hambabo ny mambra homba azy».

COR 149 «Tsy misy zavatra atahoran'i Satana fatratra toy ny hanadiovàn'ny vahoakan'Andriamanitra ny lalana amin'ny fanesorana ny zava-misakana rehetra, mba hahazoan'Andriamanitra handrotsaka ny Fanahiny».

5T 397 «Misy ady mitohy tsy maintsy atao amin'ny fitiavan-tena sy ny faharatsian'ny fon'olombelona... Mandeha amin'ny lalana mampidi-doza ireo izay manadino an'Andriamanitra, eny fa na dia mandritra ny ora iray, na fofohana kely foana aza».

5T 394 «Mamely tampoka sy mafy ity fahavalo matanjaka ity isaka ny tsy miambina ny Kristianina iray».

Voafitaka ny ampahatelon'ny anjelin'ny lanitra. Voafitaka i Eva sy i Kaina lahimatoany. Voafitaka ny rehetra tamin'ny fotoanan'ny safo-drano afa tsy valo monja. Maro tamin'ireo mpitondra fivavahana tamin'ny andron'i Kristy no voafitaka, na dia nanatri-maso ny Zanak'Andriamanitra nanatanteraka ny sasan-tsasany tamin'ireo fahagagana lehibe indrindra nataony aza.

Amin'ny andro farany, rehefa nampitomboina fatratra ny herin'i Satana (*Spiritual Gifts*, vol. 2, p. 277), dia hofitahiny, raha azo atao, ny tena olom-boafidy (Mat. 24 : 24). «Noho ny fitomboan'ny herin'ny fakam-panahy ataon'i Satana, dia feno loza ho an'ny Zanak'Andriamanitra ny vanim-potoana iainantsika». (*Counsels to Teachers*, p. 322).

5T 102, 103 «Na toy inona na toy inona haavon'ny toerana misy antsika, dia ilaintsika ny hiambina sy hivavaka mitohy hatrany. Tsy maintsy hanapaka antsika isan'andro ny Fanahin'Andriamanitra, raha tsy izany dia i Satana no hanapaka antsika...

«Izay tsy manolo-tenatanteraka ho an'Andriamanitra, dia mety ho voatarika hanao ny asan'i Satana, na dia mbola mihevi-tenafa manao ny asan'i Kristy aza izy».

TM 79 «Arahin'i Satana maso ny eritreritra rehetra izay tsy eo ambany fanapahan'ny Fanahin'Andriamanitra tanteraka».

DA 636 «Vitsy no mino amin'ny fo sy fanahy fa misy helo tokony handosirantsika, ary misy lanitra tokony ho azontsika».

1 Tes. 5 :17 « Mivavaha ka aza mitsahatra ».

Suf. of Chr. 8 «Ny vavaka mitohy sy miredaredan'ny finoana, dia hanome antsika fahazavana sy hery ho enti-manohitra ny famelezana masiaka indrindra ataon'i Satana».

9T 44 »Zotom-po fatratra no tokony hambabo antsika izao».

MANAITRA NY VAHOAKAN'ANDRIAMANITRA

Andao hodinihintsika ireo fanazavana avy amin'Andriamanitra mikasika ny hafatra nampitondraina ho an'ny vahoakan'i Laodikia.

5T 233 «Harahinareo ve ny toro hevitr'Ilay Vavolombelona Marina mampitady volamena voadio tamin'ny afo sy fitafiana fotsy ary odi-maso? Finoana sy fitiavana ny volamena, ny fahamarinan'i Kristy no fitafiana fotsy; sy odi-maso dia ilay fahaizana mandanjalanja ara-panahy izay mamela anao hahita ny hafetsen'i Satana, ka handositra izany sy hahita ny fahotana, ka hankahala izany ary hahita ny fahamarinana ka hankato izany».

Nefa, maro no tsy mankasitraka ny tsy maintsy handraisany ny fanosorana avy any andanitra... maneho ny toetran'ireo izay tsy manana asa nataon'ny Fanahin'Andriamanitra tao amin'ny fony ny anarana hoe "virijiny adala". Tsy hanova ny virijiny adala ho tonga hendry indray ny fiavian'i Kristy...

«Ny toetry ny fiangonana asehon'ny virijiny adala dia lazaina koa fa toy ny toetran'ny vahoakan'i Laodikia». (RH Aug. 19, 1980).

4T 87 «Miantefa amin'ny olon'Andriamanitra milaza azy ho mino ny fahamarinana ankehitriny ny hafatra nampitondraina ho an'ny vahoakan'i Laodikia. Ny ampahany lehibe kokoa, dia amin'ireo mpampianatra matimaty mitondra ny anarana nefa tsy manana zotom-po ilaina no miantefa... Tsy vonon-ko faty ny amin'ny tenany izy ireny».

1T 186 «Naseho ahy fa miantefa amin'ny olon'Andriamanitra amin'izao fotoana izao ny fanambarana ho an'ny vahoakan'i Laodikia... Voatendry izany hanairana ny olon'Andriamanitra, sy hanehoana aminy ny fihemorany, ary hitarihana azy ho amin'ny fibebahana feno hafanam-po, ka amin'izay izy ireo, dia mety handray tombon-tsoa amin'ny fanatrehan'i Jesôsy, ary ho vonona ho amin'ny antso avo ataon'ny anjely fahatelo».

Manazava izany ireo teny nalaina teo aloha, fa amin'ny fitandremana ny hafatra nampitondraina ho an'ny vahoakan'i Laodikia, dia ho voaomana hitory ny hafatry ny anjely fahatelo amin-kery lehibe ny olon'Andriamanitra, mandritra ny Ranonorana Farany. Na izany aza anefa, ny Laodikianina tsy mahatsapa ny fahantrany ara-panahy sy tsy vonona hanaraka ny toro hevitr'i Kristy, Ilay Vavolombelona Marina, dia ho voahozongozona.

EW 270 «Nanontaniako ny dikan'ilay fanozongozonana hitako, ary naseho ahy, fa izany dia haterak'ilay fanambarana mivantana avy amin'ny toro hevitr'Ilay Vavolombelona Marina ho an'ny vahoakan'i laodikia. Hanana ny asany ao am-pon'izay mandray azy izany, ary hitarika azy hanandratra ny faneva sy hampielay ilay fahamarinana madio. Ny sasany tsy hahazaka ity fanambarana mivantana ity. Hitsangana hanohitra izany izy ireny, ary izany no hiteraka fanozongozonana eo amin'ny vahoakan'Andriamanitra».

«Nahita aho fa tsy narahina akory ny antsasaky ny fanambaran'Ilay Vavolombelona Marina. Ilay fanambarana miezinezina iankinan'ny ho anjaran'ny fiangonana, dia nankafizina tamim-pamirapiratana, na tsy nankatoavina tanteraka aza. Tokony hiasa fibebahana lalina ity teny vavolombelona ity. Hankato sy ho voadio izay rehetra mandray izany marina tokoa».

IREO IZAY MITANDRINA ILAY HAFATRA

Tsy ho voahozongozona isika, raha mitandrina.ity hafatra farany ho an'ny Sisa ity. Rehefa hohenenana ny lalàm-panjakana momba ny alahady, dia hahajoro amin'izany fitsapana lehibe izany isika, sy hahatsapa Ranonorana Farany ary hanao ny anjarantsika amin'ny fitoriana ny hafatra amin-kery lehibe mandritra ny fotoanan'ny Antso Avo. Hanaraka ny toro hevitr'i Kristy, Ilay Vavolombel.cria Marina, ny Sisa mpino. Hitondra ny hazo fijaliana izy ireny sy ho voaovan'ny Fanahy Masina, ary ho voaomana ho amin'ny Ranonorana Farany sy ny famindrana ho any an-danitra».

7T 14 «Ireo izay mametraka ny tenany eo ambany fijerin'Andriamanitra mba hotarihiny, dia hahafantatra ny maha-azo antoka ny fandehan'ny toe-javatra izay riotendreny mba hisy. Tsy hijanona ela ao amin'ny tsy fananan-kery izy sy hibanjina izay zavatra tsy azony atao, satria tarihin'ny Fanahiny izay manome ny fiainany ho fiainan'izao tontolo izao. Rehefa mitafy ny fiadian'ny lanitra izy, dia hivoaka hiantafika, ka ho tena vonona ny hanao sy sahy ho an'Andriamanitra, satria mahalala izy fa ny heriny izay manerana izao rehetra izao no hameno izay zavatra ilainy».

9T 107 «Hanao ny asa Andriamanitra, raha omentsika Azy ny fiasana ilaina».

7T 16, 17 «Mitambaby eo amintsika ny andraikitra mavesatra hanambara amin'izao tontolo izao ny amin'ny hiavian'ny andro hitsarana azy. Tonga hiantso vonjy ny akaiky sy ny avy lavitra ary ny avy amin'ny lafy valo. Miantso ny fiangonany hitsangana sy hitafy ny heriny Andriamanitra. Tokony ho azo ny satroboninahitra mandrakizay: tokony ho azo ny fanjakan'ny lanitra; tokony hohazavaina izao tontolo izao maty ao amin'ny tsy fahalalana na inona na inona».

«Satria mbola misandratra hatrany amin'ny feo mahery ny hafatry ny anjely fahatelo, koa dia hery lehibe sy voninahitra no hanotrona ny fitoriana izany. Hamirapiraty ny fahazavan'ny lanitra ny tavan'ny vahoakan'Andriamanitra».

Fotoana be voninahitra manao ahoana re izany! Azoko antoka fa ho tapa-kevitra, miaraka amiko, hitandrina ny hafa-pitiavana natao ho an'ny vahoakan'i Laodikia ianao, sy ho faty ny amin'ny tena isan'andro, ka hamela ny Fanahy Masina hanapaka tanteraka ny fiainanao, mba hahatonga anao ho voaomana haingana ho amin'ny Ranonorana Farany, ary hanao ny anjaranao amin'ny fitoriana ny hafatra amin-kery tsy mahatafandry mandry mandritra ny fotoanan'ny Antso Avo.

NY RANONORANA ALOHA ILAINA ANKEHITRINY

PK 148 «Samy miandry fatratra amim-pahalianana tsy hay lazaina ny famaranana ilay ady lehibe ifanaovan'ny tsara sy ny ratsy ny voary manontolo. Tsy lavitra ny tokenan'izao tontolo izao mandrakizay ny olon'Andriamanitra».

«Nanomboka tamin'ny fahatanterahan'ny faminaniana ity hafatra ity tamin'izany fotoana izany, ary efa eo an-katoky ny hifarana. Ko vitain'Andriamanitra miaraka amiko sy aminao ny asa (Rôm. 9 : 28). Raha tiantsika, na miaraka amin'ny hafa raha tsy vonona isika.

Nomena ho amin'ny ase, ny Fanahy Masina, tsy ho an'ny asa nofidintsika akory, fa ho amin'ny asa niantsoan'Andriamanitra hataontsika. «Tsy azontsika ampiasaina ny Fanahy Masina. Fa ny Fanahy Masina no hampiasa, antsika. Miasa amin'ny olony amin'ny alalan'ny Fanahiny Andriamanitra, mba ho tia sy hanao ny sitrapony». (DA 672).

NY HERY MANOVAN'NY NY FANAHY MASINA

Raha tsy tiantsika ny hamela ny Fanahy Masina hanapaka ny fiainantsika? dia miasa eo ambany fahefan'ny nofo, fa tsy ao amin'ny herin'ny Fanahy isika. Ary inona no ho vokatr'izany? Izao no valin-teny omen'Andriamanitra:

5T 158 «Raha tsy misy ny Fanahy sy ny herin'Andriamanitra, dia ho very maina ny hiasantsika haneho ny fahamarinana».

«Tokony hivavaka amin-kafanam-po ho an'ny firotsahan'ny Fanahy Masina isika toy izay nivavahan'ny mpianatra tamin'ny andro Pentekôsit».

Tokony hanakoako mandrakariva ao an-tsofintsika ny teny farany nataon'i Jesôsy talohan'ny niakany indrindra tany an-danitra. «Fa hahazo hery ianareo amin'ny hilatsahan'ny Fanahy Masina aminareo, ary ho vavolombeloko any Jerosalema sy eran'i Jodia sy i Samaria ary hatramin'ny faran'ny tany» (Asa 1:8).

1SM 156 «Nanana loha hevitra isan-karazany tsy tambo isaina hifidianana i Kristy, ilay Mpampianatra lehibe, fa ny iray anisan'ny nohizingiziny fatratra tokoa, dia ny fanomezana ny Fanahy Masina. Inona moa no zava-dehibe tsy nambarany mialoha ny fiangonana mikasika ity fanomezana ity. Ary inona no loha hevitra mbola tsy tokony hohizingizina izao?

DA 296, 297 «Mila hery ambony sy ivelan'izay efa ananany ny olona, mba hamerina azy amin'ny fitoviana amin'Andriamanitra, ary hahatonga azy hanao ny asan'Andriamanitra; izany anefa tsy mahatonga ny asan'ny olona ho azo avela. Miandry ny herin'Andriamanitra ny olombelona, i Kristy kosa mitoetra ao am-po amin'ny alalan'ny finoana; ary amin'ny alalan'ny fiaraha-miasa amin'Andriamanitra, dia tonga mahomby ho amin'ny tsara ny herin'ny olona.

«Mbola miantso ny olona ho amin'ny asany Izy, Ilay niantso ny mpanaraton'i Galilia. Ary ta haneho indrindra ny heriny amintsika koa toy ny tamin'ny mpianatra voalohany Izy».

1SM 374 «Azontsika atao ny ho mendrika ny lanitra amin'ny alalan'ny asan'ny Fanahy Masina irery ihany ao amin'ny fo; satria tsy maintsy manana ny fahamarinan'i Kristy ho toy ny fahazoan-dalana isika, raha ta hahita ny lalana mankany amin'ny Ray...Mba hanaanantsika ny fahamarinan'i Kristy dia ilaintsika ny ho voaovan'ny asan'ny Fanahy isan'andro sy ho mpiombona amin'ny toatran'Andriamanitra. izany no asan'ny Fanahy manandratra ny faniriana sy manamasina ny fo sy mahamendrika ny olona manontolo».

Hitady hisakana ny fandatsahana ny Fanahy Masina amin'ny fampidirana hala tahaka i Satana (Vakio G. C. p. 464).

Efa an-taonany maro no nahitantsika ny fihariharian'ny hala tahaka maro. Ary satria efa dila loatra ny ora, ka moa ve tsy tokony ho nisy fibaribarian'ny marina marobe hatramin'izay? Ny zava-dehibe indrindra ilain'ny andro ankehitriny, dia ny hahita ny fisehoh'ny hery manovan'ny Fanahy Masina amin'ny fiainan'izay milaza azy ho notolorana ny hafatra fanambarana farany.

Efa an-taonany no nahatsapan'ny maro izany hetaheta izany. Indreto misy teny nalaina avy amin'ny famakiana misesisesy ny Evangélism nataon'i William Ward Ayer tamin'ny 1952 tamin'ny antokonà mpianatra teôlôjia tao amin ny Oniversiten'i Job Jones. (Natonta tao amin'ny boky mitondra ny lohateny hoe "Flame for the Altar");

«Mila mpaminany isika! Mila Elia!... Noho izany, hatramin'ny voalohany indrindra, dia nanontany isika hoe, Aiza ny Tompo Andriamanitr'i Elia ? ... »

« Ao anatin'izao fotoana goavana mahatsiravina izao sy ny andro sarotra eo amin'ny tantara, dia tsy miraika ny fiangonana eo am-piandrasana toy ilay lehilahy nalemy teo amin'ny farihin'i Betesda... »

Ny fanahy sy ny herin'i Eia, izany no zavatra ilain'ny fiangonana. Tokony hilefitra eo amin'ny Tompo Andriamanitr'i Elia izy ireny, mandra-pamenony azy ireny izapy fanahy sy hery izany...

Tsy manao be fiiaza aho, raha milaza fa ny tenaben'ny fiangonana dia tsy nahomby teo amin'ny tena fitarihana ny olona ao amin'ny fikambanana misy antsika ho eo amin'ny fahamarinan'Andriamanitra. « Ny mpitory dia tsy maintsy mampanakoako ny baiko hoe 'lanareo no vavolombeloko', mandra-pifohan'ny olona avy ao amin'ny torimasony lalina, ka handehanany hambabo ny very ».

Nisy niteny hoe: «Eo ambany afo ny fiangonana ankehitriny, nefa tokony ho eo ambony afo no hisy azy».

Nanoratra toy izao ilay filoha lefitry ny Foibe Eran-tany (afa matory ankehitriny) tao amin'ny taratasy ho an'ny olona iray, mitondra ny daty 1Nov. 1942:

«Mino aho, ry rahalahy Wagner, fa ny hany zava-misakana ny fahavitan'ny asa ankehitriny, dia ny tsy fisianan'ny fanoloran-tena lalina sy ny asa lalin'ny fahasovana ao am-pon'ny mambran'ny fiangonantsika hatraiza hatraiza. Raha araka izay tokony ho izy ireo mpiasa sy mambran'ny fiangonantsika dia efa tokony ho nilatsaka tamin'ny fahafenoany ny Ranonorana Farany ary ho nitsdriaka toy ny tselatra ny hafatra».

Ny tsy fisian'ny herin'ny Ranonorana Farany hatramin'izao ora efa dila loatra izao, dia tokony hampietry ny fonsika, ary hanosika antsika hanaraka amim-pinoana ny toro hevitr'i Kristy ho an'ny vahoakan'i Laodikia, mba hahazoantsika ho voaomana haingana hahatsapa ny «famelombelomana», ary ho vonona hanao ny anjarantsika amin'ny fitondrana ny hafatra, rehefa hotoriana amin-kery lehibe izany mandritra ilay «Antso Avo».

Ireto teny manaraka ireto, avy ao amin'ny Fanahin'ny Faminaniana, dia maneho ny antony nanemorana elabe ny Ranonorana Farany, sy ny tokony hataontsika eo am-panomanana ny fitoriana ity hafatra ity amin-kery lehibe:

1T 261 «Naseho ahy vahoakan'Andriamanitra miandry ny hitrangan'ny fiovana sasantsasany, - sy ny hery mambabo hambeda azy ireo. Nefa ho diso fanantenana izy ireo, satria diso hevitra. Tsy maintsy hiasa izy ireo, tsy maintsy handray an-tanana ny asa ary hitaraina fatratra amin'Andriamanitra, mba hananany ny tena fahafantarana marina ny tenany. Ireo-toe-javatra nandalo teo anoloantsika, dia ampy tanterakà hampifoha antsika, ary handodona ny fitoeran'ny fahamarinana ao am-pon'izay rehetra hihaino».

1T 6,19 «Naseho ahy, fa raha tsy miezaka manao ny anjarany ny olon'Andriamanitra, fa miandry ny famelom-belomana ho tonga aminy sy hampanalavitra ary hanitsy ny fahadisoany, raha miantehitra amin'izany izy ireo mba hanadio azy amin'ny fahalotoan'ny nofo sy ny fanahy, ary hamboatra azy ireo handray anjara amin'ny antso avon'ny anjely fahatelo, dia ho hita fa tsy vonona izy ireo».

TM 507, 508 «Maro no tsy nandray ny ranonorana voalohany. Noho izany dia tsy nandray ny tombon-tsoa rehetra nomanin'Andriaminitra homena azy izy ireo ."Manant-ena izy ireo fa hofenoin'ny Ranonorana Farany banga. Rehefa homena ny habetsahan'ny harem-pahasoavana, dia amin'izay izy ireo vao manan-kevitra hanokatra ny fony handray izany. Manao fahadisoana mahatsiravina anefa izy ireo.... Raha tsy mitombo isika, raha tsy eo amin'ny toerana handraisantsika ny ranonorana aloha sy aoriana isika, dia hahavery ny fanahintsika, ary dia hianjera amintsika ny andraikitra amin'izany».

LOHA ORANA TENA ILAINA

Ny Fanahy Masina mirotsaka eo amin'ny Ranonorana aloha, dia manadio ary manova antsika mandra-pahatonga antsika ho mpandresy, sy hahazo fandresena amin'ny lafiny rehetra. Izany no fiomanana tsy maintsy hataontsika alohan'ny haha-vonona antsika handray ny Ranonorana Farany...

1SM 191 «Tokony hanolo-tena ho an'Andriamanitra ianao anio, amin'izay dia ho foana ny tenanao... Tokony ho voadio ny fanakao anio. amin'izay dia ho vonona izany... ho amin'ny firosahan'ny Ranonorana Farany; satria ho avy ny Ranonorana Farany, ary hameno ny fanahy tsirairay izay voadio tamin'ny fahalotoana rehetra, ny fitahian'Andriamanitra... voavoatra ho amin'ny fotoam-pamelombelomana... voaomana ho amin'ny batisan'ny Fanahy Masina».

5T 214 «Navela ho antsika ny fanasitranana ny kileman-toetrantsika, sy ny fanadiovana ny tempolin'ny fanahy amin'ny fahalotoana rehetra. Amin'izay, dia hirotsaka amintsika toy ny nirosahan'ny loha orana tamin'ny mpianatra, tamin'ny andro Pentekôsit, ny Ranonorana Farany».

1T 187, 188 «Ireo izay misondrotra amin'ny iafiny rehetra, sy mijoro amin'ny fitsapana rehetra ary mandresy, na inona na inona toe-javatra, dia nahatandrina ny toro hevitra ny Vavolombelona Marina, ary handray ny Ranonorana Farany izy ireo sy ho voaomana ho amin'ny famindrana any an-danitra».

EW 71 «Hitako fa maro no nanao tsirambina ny fiomanana tena ilaina ka niandry ny fotoanan'ny «famelombelomana» sy ny 'ranonorana farany' mba hanomana azy ireo hahajoro amin'ny andron'Andriamanitra, ary hivelona eo ambany fijeriny. O! firifiry moa no hitako tsy nanam-pialofana tao anatin'ny andro mahory! Nanao tsirambina ny fiomana tena nilaina izy ireo; koa tsy azon'izy ireo atao ny handray ny famelombeiomana ifay tsy maintsy hananan'ny rehetra, mba hahamendrika azy ireo hivelona eo ambany fijerin'Andriamanitra Masina... Hitako fa tsy misy na iray aza afaka handray ny 'famelombelomana', raha tsy nandresy ny zava-misakaha rehetra sy ny fiavonavonana sy ny fitiavan-tena mbamin'ny fitiavana izao tontolo izao, ary ny teniteny foana sy ny asa ratsy rehetra».

1T 186 «Naseho àhy fa miantefa amin'ny olon'Andriamanitra amin'izao fotoana izao ny fanambarana ho an'ny vahoakan'i Laodikia Natao izany mba hanairana ny olon'Andriamanitra, mba hahitan'izy ireo ny fihemorany, ary hitarika azy ireo ho amin'ny fibebahana amin-kafanam-po, ka amin'izay izy ireo dia mety hahazo tombon-tsoa amin'ny fanatrehan'i Jesôsy, ary ho voaomana ho amin'ny antso avon'ny anjely fahatelo».

Ireo izay tsy maty ny amin'ny tenany isan'andro, ka tsy mamela ny Fanahy- Masina hanadio sy hanova ny fiainany, dia tsy hahafantatra na hahalala ny fisehoan'ny Fanahy Masina amin'ny Ranonorana Farany. Ho voaendaka izy

ireo, ary ho fenon'ny hafa izay nandray ny fahamarinana sy niray tamin'ireo olona nitandrana ny didin'Andriamanitra ny toerany.

TM 399 «Azontsika atao ny hahazo antoka, fa rehefa harotsaka ny Fanahy Masina, ireo izay tsy nandray sy tsy nankasitraka ny loha orana, dia tsy hahita na hahalala ny vidin'ny Ranonorana farany».

TM 507 «Nefa tokony tsy hisy fanaovana tsirambina ny fahasoavana asehon'ny loha orana. Ireo izay mivelona araka ny fahazavana ananany ihany, no handray ny fahazavana..bebe kokoa. Raha tsy mandroso isan'andro eo amin'ny fanehoana ireo toetra soa miasan'ny Kristianina isika, dia tsy hahalaia ny fisehon'ny Fanahy Masina eo amin'ny tara orana. Mety hirotsaka ao am-pon'izay manodidina antsika izany, fa tsy ho haintsika ny hanavaka na handray izany».

2SM 57 «Ireo izay tsy manana ny Fanahy Masina dia tsy mety ho mpiambina mahatoky eo amin'ny mandan'i Ziona, satria jamba eo anoloan'ny asa tokony ho novitaina izy ireo, ary tsy afaka hampaneno ny trômpetra»

«Hitarika ho amin'ny fanavaozana ny tena fivavahana marina, toy ny tamin'ny andro Pentekôsita, sy ho amin'ny fanatanterahana asa maro mahagaga, ny batisan'ny Fanahy Masina. Ho azontsika ny tsilon-tsain'ny lanitra, ary hiteny araka izay anetsehan'ny Fanahy Masin'Andriamanitra azy ny olona. Na dia niasa teo amin'ny olona toy izay nataony tamin'ny andro Pentekôsita aza Andriamanitra, dia ho maro amin'ireo izay milaza azy ho mino ny fahamarinana no hahalala kely dia kely ny fiasan'ny Fanahy Masina ka hiantsoantso izy ireo hoe: «Tandrema ny hafanam-po diso toerana». Hiteny ny amin'ireo nofenoina ny Fanahy izy hoe; «Mamon'ny divay mamy ireo olona ireo».

«... Hisy ireo izay ho velom-panontaniana sy hanao faninitsiniana rehefa hambabo ny lehilahy sy ny vehivavy ny Fanahin'Andria,manitra, satria tsy voahetsika ny fon'izy ireo, fa mangatsiaka sy mafy»,

EW271 «Nihena ny isan'ny mpikambana. Voaendaka ny sasany, ka navela teny an-dalana. Ny tsy mitandrana sy ny tsy miraika, ka tsy miray amin'ireo izay manana fahalalana ampy ny vidin'ny fandresena sy ny famonjena, mba hiady amim-paharetana sy hangirifiry noho izany, dia tsy hahazo izany. Ary havela any aoriana ao amin'ny haizina izy ireo, ary ny toerany dia ho fenoin'ireo hafa miaraka amin'izay, dia ireo hafa izay nandray ny fahamarinana, ka niditra an-daharana».

MIOMANA HO AMIN'NY FARA ORANA ANKEHITRINY

5T 216 «Amin'izao fotoana izao no tsy maintsy hanasantsika sy hamotsiantsika ny fitafiantsika, dia ny toetra izany, amin'ny ran'ny Zanak'ondry. Izao no fotoana tsy maintsy handresentsika ny avonavona sy

ny filan-dratsy ary ny fitsilamodamohana ara-panahy. Iza no fotoana tsy maintsy hifohazantsika, ka hanaovana fifehezana hentitra hanan-toetra mirindra. «Ankehitriny, raha hihaino ny feony ianareo, dia aza manamafy ny fonareo». Ao amin'ny toerana anisan'ny sarotra isika. ary miandry sy miambina ny fisehoan'ny Tompontsika. Ao anatin'ny haizina izao tontolo izao. «Fa ianareo. ry rahalahy», hoy i Paoly, «tsy mba ao anatin'ny haizina ka tsy hahatratra anareo toy ny mpangalatra izany andro izany...»

«Inona no hataonao, ry rahalahy, eo amin'ilay asam-piomanana lehibe? Ireo izay mikambana amin'izao tontolo izao, dia mandray ny fomban'izao tontolo izao, ary miomana ho amin'ny mariky ny bibidia. Ireo izay tsy matoky tena sy manetry tena eo anatrehana Andriamanitra, ka manadio ny fanahiny amin'ny fankatoavana ny fahamarinana, izy ireny dia nandray ny fomban'ny lanitra, ary miomana handray ny tobo-kasen'Andriamanitra eo amin'ny handriny; Rehefa mivoaka ny didy, ary efa vita ny fanisiana tobo-kase, dia hijanona ho madio sy tsy misy tsiny mandrakizay ny toetran'izy ireo».

Efa tena dila ny ora. Tokony tsy hangataka andro isika. Nandany 40 taona nivezivezena tany an'efitra ny Isiraely, nefa azony natao ny ho tonga tany amin'ilay tany nampanantenaina tao anatin'ny roa herinandro monja.

Rehefa voaomana ho amin'ny Fara Orana ny olon'Andriamanitra, dia ho vita ao anatin'ny fotoana farany izay fohy ny asan'Andriamanitra.

OHC 187 «Tsy hieren-doza isika. na dia fotoana kely aza, raha tsy tarihin'ny Fanahy Masina sy eo ambany fijeriny».

PP 421 «Tsy maintsy filana nahariana antsika, na fahazoa-manao ananan'ny saina, na fironan'ny fo, izay tsy mila isam-potoana ny ho eo ambany fitarihan'ny Fanahin'Andriamanitra».

8 T 46 «Iaintsika hofoniny amintsika ilay fofon'ain'Andriamanitra... Harotsaka be dia be amin'izay voaomana handray izany ny onja manafotry ny hery ara-panahy».

Ny tena ilaintsika indrindra, dia ny fanosorana antsika isan'andro isan'andro amin'ny Fanahy, mba hanomana antsika ho amin'ny Para Orana.

NY SAIN'I KRISTY

«Aoka ho ao aminareo izao saina izao, izay tao amin'i Kristy Jesosy koa». Fil. 2 :5

Philip's Translation «Aoka i Kristy mihitsy no ho ohatra ho anareo eo amin'izay tokony ho fitondrantenanareo».

KH 265 «I Kristy no Môdelintsika, sy Ilay filamatra tonga lafatra sy masina nomena antsika harahina».

MH 143 «Mila izay zavatra nilaina, sivinjato sy arivo taona talohan'izao, izao tontolo izao. dia ny fanehoana an'i Kristy».

KH 174 «Tsy mitondra ny anaran'i Kristy fotsiny ny hoe Kristianina, fa manana ny sain'i Kristy sy milefitra eo ambany sitrapon'Andriamanitra amin'ny zavatra rehetra».

Izao no nolazain'ny Dr Elton Trueblood, mpitaiza fanta-daza; «Mikatsaka ny fisehoan'ny fiangonana marina sy ny fiarahana amin'ny fanahy be fitiavana izay maneho ny sain'i Kristy isika».

Ireto teny nalaina ireto, dia maneho ny tomba niankinan'i Kristy tamin-dRainy. Ary Izy no, Môdelintsika.

DA 675 «Tahaka izany no niankinan'i Kristy tamin'ny herin'Andriamanitra, teo amin'ny maha-Olona Azy. Izao no nambarany: 'Raha Izaho ihany, dia tsy mahay na inona na inona'».

DA 336 «Tao anatin'ny fahatoniana tanteraka i Jesôsy, raha nofohazina hisetra ny tafiotra. Tsy nisy tahotra hita soritra teo amin'ny fileniny sy ny fijeriny, salria tsy nisy tahotra tao am-pony. Tsy nijanona tao amin'ny fananana ny hery rehetra anefa Izy. Tsy ny maha-Tompon'ny tany sy ny ranomasina ary ny lanitra' Azy no nahatony Azy. Napetrany izany fahefana izany, ka hoy Izy: 'Raha Izaho ihany, dia tsy mahay manao na inona na inona' (Jaona 5 : 30). Niantehitra tamin'ny herin'ny Ray Izy. Tao amin'ny finoana no nitoeran'i Jesôsy, dia finoana ny fitiavan'Andriamanitra sy ny fiahiany, ary ny herin'Andriamanitra no herin'Ilay teny nampitony ny tafiotra».

Hoy i Jesôsy: «Fa ny Ray mitoetra ato amiko no manao ny asa». (Jao. 14:10).

Ary izao no lazain'i Jesôsy amintsika: «Fa raha misaraka amiko kosa ianareo, dia tsy mahay manao na ihona na inona». (Jao. 15 : 5).

COL 160 «Ny asa tsara rehetra ataontsika, dia miankina amin'ny hery ivelan'ny asantsika».

«Tsy azontsika an-tsaina izay zavatra ilaintsika, raha mbola eo amin'ny toerana misy ny vahoakan'i Laodikia isika. Mihevitra isika fa «tsy mila na inona na inona». Nefa ny loza lehibe ho an'ny olona, dia ny famitahan-tena...» (MH 45).

«Fa raha misy manao ny tenany ho zavatra, kanjo tsinontsinona, dia mamitaka ny tenany izy» (Gal. 6 : 3). «Rehefa mahita ny maha-tsinontsinona azy ny olona, dia voamana hotafiana ny fahamarinan'i Kristy izy» (COR 124).

DA 208 «Nitolo-batana ho an'ny sitrapon'ny Ray ny Zanak'Andriamanitra sady niankina tamin'ny heriny. Tena nanafoana tanteraka ny tenany i Kristy,

ka tsy nanao drafitra ho Azy. Nekeny ny drafitra nataon'Andriamanitra ho Azy, ary velarin'ny Ray, isan'andro isan'andro eo anatrehany ny soritr'asany. Toy izany koa no iankinantsika amin'Andriamanitra, mba hahatonga ny fiainantsika ho fanatanterahana rano fotsiny ny sitrapony».

COL 149 «Nanehoana izay azon'ny olombelona atao, rehefa mandray anjara amin'ny toetran'Andriamanitra, ny fiainan'i Kristy. Mety hananantsika koa, izay rehetra noraisin'i Kristy avy tamin'Andriamanitra».

DA 389 «Tena feno mihitsy ny fanoloran-tenan'i Jesôsy hanao ny sitrapon'Andriamanitra ka ny Ray Irery no niseho teo amin'ny fiainany».

9T 22 «Azon'ny lehilahy sy vehivavy iainana ao amin'ny heriny sy eo ambany fitarihany, ny fiainana niainan'i Kristy teto amin'izao tontolo izao. Azon'izy ireo atao ny hahazo ny fanampiana rehetra azony, eo amin'ireo totona ifanaovany amin'i Satana. Mety hihoatra noho ny mpandresy izy ireo amin'ny alalan'Ilay tia azy ireo sy nanolotra ny tenany ho azy».

DA 523 «Ny tanoloran-tena no votoatin'ny fampianaran'i Jesôsy».

DA 664 «Tsy nisy toetra soa nasehon'i Jesôsy na hery tsapany, izay tsy mety ho azon'ny olona ao amin'ny finoana Azy».

MB 52 (81) «Na oviana na oviana ny olona no mifidy hizotra amin'ny lalany, dia miditra hiady amin'Andriamanitra izy. Tsy hanan-toerana ao amin'ny tanjakan'ny lanitra izy».

Hoy i Jesôsy: «Fa tsy nidina avy tany an-danitra Aho, mba hanao ny sitrapoko, fa ny sitrapon'izay naniraka Ahy». (Jaô. 6 : 38). Ary izao koa no nolazainy: «Izaho manao izay sitrany mandrakariva» (Jao. 8 : 29).

Nanaraka ny ohatra nomen'i Kristy ny Apôstôly Paoly. Hoy izy: «Voahombo miaraka amin'i Kristy amin'ny hazo fijaliana aho, ary tsy izaho intsony no velona, fa i Kristy no veiona ato anatiko» (Gal. 2 : 20). Ary dia omeny antsika izao toro hevitra manaraka izao: «Koa amin'izany, na mihinana, na "misotro ianareo, na inona na inona ataonareo, dia ataovy ho voninahitr'Andriamanitra izany rehetra izany». (1 Kôr. 10 : 31).

Mitady ny hanapaka ny vatana-amin'ny alaian'ny saina Andriamanitra. I Satana kosa mitady ny hanapaka ny saina amin'ny alaian'ny vatana. «Ny vatana no tokony hanompo ny saina, fa tsy ny saina no hanompo ny vatana» (1T 487). «Tokony hiambina ireo vavahadin-tsaina ny rehetra, sao dia i Satana no handresy azy ireo amin'ny alalan'izany, satria ireny no lalam-be mitondra ho amin'ny fanahy» (3 T 507). «Ny vavahadin-tsain'ny maro, dia efa ngolin'ny fanaranam-pon'ny tenda sy ny fifaneraserana amin'ny fahotana», (3 T 476).

Suf. of Chr. 11, 12 «Nahatohitra ny herin'i Satana tao anatin'ity fakam-panahy lehibe manintona (dia ny fanaranam-pon'ny tenda) izay mamono ny fanahin'ny olona ity, ny Mpànavotra antsika. Raha afaka handresy ity

fakam-panahy ity ny oipna, dia ho azony atao ny handresy amin'ny lafiny hafa rehetra».

NANDRAY NY BATISAN'NY FANAHY MASINA ISAN'ANDRO I KRITSY

COL 139 «Noraisin'i Kristy tsy tapaka avy tamin'ny Ray izay tokony hampitainy amintsika... Niaina sy nieritreritra ary nivavaka tsy ho an'ny mpianany samirery Izy, fa ho an'ny hafa koa. Noho ireo ora nolaniany niaraka tamin'Andriamanitra, dia tonga nandroso isa-maraina isa-maraina Izy mba hitondra ny fahazavan'ny lanitra ho an'ny olona. Nandray batisa vaovaon'ny Fanahy Masina isan'andro Izy».

DA 123 «Tafaray tamin'ny maha-Andriamanitra Azy ny maha-olombelona an'i Kristy; voaomana ho amin'ny ady tamin'ny alalan'ny firaisana ety dia ety amin'ny Fanahy Masina Izy. Ary tonga Izy mba hahatonga antsika ho mpandray anjara amin'ny toetran'Andriamanitra».

Raha i Jesôsy Zanak'Andriamanitra aza nila vatsy vaovaon'ny Fanahy Masina isan'andro, dia mba ahoana kosa ny aminao sy ny amiko? Hatramin'ny nahatongavan'i Kristy ho filamatra ho antsika amin'ny zava-drehetra (Steps to Christ, p. 97), dia tsy maintsy mahatsapa ny firaisana ety dia ety amin'ny Fanahy Masina isan'andro, izay tokony haha-voaomana antsika ho amin'ny ady, isika.

MB 21 «Nomena an'i Jesôsy, izay nanafoana ny tenany ho famonjena ny olombelona very, tsy misy fepetra ny Fanahy Masina. Toy izany nohanomezana izany ny mpanaraka an'i Kristy rehetra, rehefa natolotra tanteraka ho amin'ny firaisana ety dia ety Aminy ny fo manontolo».

KH 34 «Tsy maintsy mibanjina an'i Kristy isika; tsy maintsy manohitra toy izay nanoherany koa; tsy maintsy mivavaka toy ny nivavahany; tsy maintsy mangirifiry toy izay nangirifiriany koa, raha tiantsika koa ny handresy toy izay nandreseny».

KH 16 «Tsy maintsy omena ny olona tsy tapaka ny Fanahy Masina, fa raha, tsy izany dia tsy hanana fironana hanohitra ny herin'ny maizina izy».

INONA NO HATAON'NY FANAHY MASINA HO ANTSIKA?

DA 107 «Ny manota dia hita hatraiza hatraiza, fa Andriamanitra, dia afo mandevona (Heb. 12 : 29). Holevonin'ny Fanahin'Andriamanitra ny fahotàn'ireo rehetra milefitra eo ambanin'ny heriny. Nefa raha mifikitra amin'ny fahotana ny olona, dia hanjary tsy hisy hivoasana amin'izany. Amin'izay dia tsy maintsy handevona azy ny voninahitr'Andriamanitra izay mandevona ny fahotana».

DA. « Rehefa mambabo ny fo ny Fanahin'Andriamanitra dia hanova ny fiainana. Ho voakosoka ny eritreritra mpanota ary ho lavina ny fanao ratsy; ny fitiavana, ny fanetretena sy ny fahatoniana no handimby toerana ny fahatezerana sy ny fitsiriritana ary ny fifandirana. Ny fifaliana no handimby toerana ny alahelo ary handefa tarapahazavan'ny lanitra ny tarehy. Tsy misy mahita ilay tanana manamaivana ny entamavesatra, na mahatsingo ny fahazavana midina avy amin'ny kianja any ambony. Ho avy ny fitahiana rehefa mitolo-batana amin'Andriamanitra amim-pinoana ny fanahy. Amin'izay ity hery tsy hitan'ny mason'olombelona ity, dia hamorona olom-baovao araka ny endrik'Andriamanitra »

1SM 374 « Mety ho voaomana ho any an-danitra amin'ny alalan'ny asan'ny Fanahy, Masina Irery ihany ao am-po isika... Ilaintsika ny ho voaovan'ny herin'ny Fanahy Masina isan'andro... »

RH Aug. 1896 « Hampifanaraka ny fanahy nohavaozina amin'ny ohatra omen'i Jasosy Kristy ny Fanahy Masina ».

CH 594 «Ny hany fiarovana antsika tsy ho latsaka ao amin'ny fahotana, dia ny fijanonantsika tsy tapaka eo ambanin'ny hery mamolavolan'ny Fanahy Masina».

AA 53 « Raha maniry ny ho voavolavola ny olona, dia hahatonga fanamasinana ny tena manontoto izany. Horaisin'ny Fanahy ny zavatra momba an'Andriamanitra, ary hataony vita sokitra ao amin'ny fanahy ».

1 SM 337 –«Toy ny handraisan'ny savoka ny mariky ny fanombohan-kase, no handraisan'ny fanahy ny mariky ny Fanahin'Andriamanitra sy hitahirizany ny sarin'i Kristy ».

NY FITIAVAN'ANDRIAMANITRA

ROM 5 : 5 « Narotsaka hianaka ao am-pontsika ny Fanahy Masina Izay nomena antsika ».

COL 419 « Haseho amin'ny alalan'ny fihooan'ny fitiavana avy any an-danitra ny fitoeran'ny Fanahy ao am-po ».

Hatraiza ny fetran'ny fitiavan'i Knsty? Raha mbola nofantsihina teo amin'ny hazo fijaliana izy, dia nivavaka ho an'ireo mpamono Azy « Ray ô mamela ny helony, fa tsy fantany izay hataony ». O, fitiavana manao ahoana re izany ! fitiavana mahagaga manao ahoana ! » « Aoka ho ao aminareo izao saina izao, izay tao amin'i Jesosy Kristy koa » Rehefa tia toy izay nitiavan'i Jesôsy isika, dia hampiasa antsika ny Fanahy Masina, mba hanome izay zavatra ilain'izao ntontolo izao indrindra

COL 419 « Tsy misy zavatra ilan'izao tontolo izao betsaka toy ny fanehoana ny fitiavan'i Mpamonjy amin'ny alalan'ny olona »

COL 414 -Mampitombo ny toetran'Andriamanitra ao amin'ny olona amin'ny fambolena ao am-pony ny fotokevitry ny teniny ny Fanahy Masina. Ny fahazavan'ny voninahiny - ny toetrany dia natao hamirapiratra eo alohan'ireo mpanaraka Azy ».

COL 415, 416 « Ny fara tara-pahazavan'ny famindram-po, ny hafa-pamindram-po farany natao homena izao tontolo izao, dia fanehoana ilay toetrany fitiavana. Tokony haneho ny voninahitr'Andriamanitra ny zanany ».

TM 50 -Amin'ny alalan'ny fiangonana farany no hanehoana farany sy feno ny fitiavan'Andriamanitra an'izao tontolo izao, izay hohazavain'ny voninahiny».

Andraikitra manao ahoana re izany ! Fihaikana manao ahoana ! Tombon-tsoa manao ahoana koa ! Tsy maintsy maneho ilay toetran'Andriamanitra fitiavana sy ny voninahiny isika amin'ny alalan'ny fahefana manankerin'ny Fanahy Masina.

Ny fomba tokana hanatanterahana izany dia ny fahafatesan'ny tena isan'andro sy ny fahatsapana isan'andro ny batisan'ny Fanahy Masina Handevona ny fahotana eo amintsika ny Fanahy Masina, raha milefitra tanteraka eo ambany fahefany isika; hanadio sy hanatsara ary hanova antsika lzy, mandra-pahatongan'ny andritsika handefa ny tara-pahazavan'ny lanitra, Mamorona olona araka ny endrik'Andriamanitra ny Fanahy Masina. Ho voaseho ny fitiavan'Andriamanitra. Amin'izay, dia ho voamana ho amin'ny Ranonorana Farany sy ny Antso Avo isika.

AA 22 «Tena feno fitiavana Azy sy ireo nahafatesany ny mpianatra tao aorian'ny nirotsahan'ny Fanahy Masina, ary nalemin'ny teny notononiny sy ny vavaka nataony ireo fo ireo, Tao ammin'ny harin'ny Fanahy no nitenenan'izy ireo; ary noho ny asan'izany hery izany, dia an'arivony no niova fo ».

COL 402 « Raha tsy tia ny rahalahy, raha tsy manetry tena eo anatrehan'Andriamanitra izy ireo, dia zava-poana »...

« Rahefa maty ny fitiavan-tena, rahefa foana ny fitadiavan-toerana ambony, rehefa mameno ny fo ny fankasitrahana, ary mampamarovaro ny fiainana ny fitiavana, dia amin'izay ihany i Kristy vao hitoetra ao amin'ny fanahy, ary ho fantatra fa mpiara-miasa amin'Andriamanitra isika».

6T 401 «Ny fitiavana an'i Kristy, ny fitiavana ny rahalahintsika, no hanambara amin'izao tontolo izao fa niaraka tamin'i Jesôsy sy nampianarin'ny isika. Amin'izay dia hitatra amin'ny feo mahery ny hafatry ny anjely fahatelo, ary ny tany manontolo dia hohazavain'ny voninahitr'i Jahôvah".

AA 50 « Tokony hivavaka amin'Andriamanitra ho an'ny batisan'ny Fanahy Masina isan'andro ny mpiasa tsirairay avy »

8T 23 « Ranadahy sy rahavaviko, miangavia ny Fanahy Masina ».

Moa ve tsy hanaraka ny ohatra nomen'i Kristy isika, ka handoa ny sandan'izany manontolo amin'ny fandraisana ny batisan'ny Fanahy Mäsina isan'andro? «Aoka ho ao aminareo izao saina izao, izay tao amin'i Jesôsy Kristy koa».

I ENOKA SY I JAONA MPANAO BATISA

MAHALALA AN'ANDRIAMANITRA

ED 260 «Misy hery tsy mbola fahita na oviana na oviana, hatramin'izay, mambabo izao tontolo izao. Misy hery mahatsiravina mangeja ny vatana sy ny saina amam-panahy eo amin'ny kilalao sy ny fitadiavam-bola mbamin'ny tolona hanam-pahefana ary eo amin'ny ady amin'ny fiainana. Miteny ao anivon'izany hazakazaka arahin-tosika mahalasa adala izany, Andriamanitra».

Inona moa izany hafa-dehibe irin'Andriamanitra hampitaina amin'ny olona izany? Henoy ny jeony ao amin'ny Jer. 9 : 22, 23; «Izao no lazain'i Jéhovah: aoka ny hendry tsy hirehareha amin'ny fahendreny, ary aoka ny mahery tsy hirehareha amin'ny heriny, ary aoka ny manan-karena tsy hirehareha amin'ny haren'ny; fa izay te hirehareha dia aoka hirehareha amin'izao, dia ny fahendreny sy ny fahalalany Ahy ho Jéhovah».

Izao no tenin'i Jesôsy amintsika: «Ary izao no fiainana mandrakizay, dia ny mahafantatra Anao, Izay Andriamanitra tokana sady marina, sy Jesôsy Kristy, Izay efa nirahinao». (Jao. 17:3).

MH 457 «Ny fahafantarana an'Andriamanitra sy i Jesôsy Kristy... no fanalahidy mamoha ny vavahadin'ny tanànan'ny lanitra».

DA 668 «Ho fiainam-pankatoavana mitohy lalandava ny fiainantsika raha raisintsika ho tombon-tsoa ny fahalalantsika an'Andriamanitra».

COL 114 «Ny fahalalana an'Andriamanitra sy i Jesôsy Kristy Izay nirahiny nateraky ny fanandramana, dia manova ny olona ho araka ny endrik'Andriamanitra».

8T 329 «Ny fahâlalana an'Andriamanitra izay miasa ho fanovana ny toetra no tena ilaintsika. Raha rhahatanteraka ny fikasany isika, dia tsy maintsy hisy fanehoana an'Andriamanitra izay hifanaraka amin'ny Teniny eo amin'ny fiainantsika.»

«Maneho izay fanandramana tokony hataontsika ny fanandramana nataon'i Enôka sy i Jaona Mpanao Batisa. Mihoatra lavitra noho izay ataontsika, dia ilaintsika ny hianatra ny fiainan'ireo olona ireo, dia izay nafindra any an-danitra tsy nahita fahafatesana, sy ilay nantsoina hamboatra ny lalan'i Jéhovah, sy hanao mahitsy ny lalan-kalehany, talohan'ny fiavian'i Kristy voalohany».

I ENOKA

Gen. 5:24 «Ary niara-nandeha tamin'Andriamanitra i Enôka; ka tsy hita izy, fa nentin'Andriamanitra».

Heb. 11 : 5 «Finoana no namindrana an'i Enôka tsy hiharan'ny fahafatesana;... fa talohan'ny namindrana azy dia nambara fa nankasitrahana'Andriamanitra izy».

8T 329 «Ny fitiavan'Andriamanitra tsy hita lany sy tsy voarefy ao amin'i Kristy, dia tonga antom-pisainany andro aman'alina. Notadiaviny tamin'ny zotom-panahiny rehetra izay hanehoana io fitiavana io teo anivon'ny vahoaka niara-nonina taminy».

Nasehon'Andriamanitra tao amin'i Enôka. lehilahy mahatoky, ny fitiavany, talohan'ny nandravan'ny rano izao tontolo izao, ary ankehitriny dia iriny ny haneho ny fitiavany amin'ny vahoakany, alohan'ny handravan'ny afo izao tontolo izao. Ny fanehoana ny fitiavan'Andriamanitra no zava-dehibe indrindra ilain'izao tontolo izao ankehitriny.

PP 85 «Tsy tamin'ny alalan'ny tsindrimandry na ny fahitana no niarahan'i Enôka nandeha tamin'Andriamanitra, fa teo amin'ny adidy rehetra teo amin'ny fiainany andavanandro. Tsy tonga mpitoka-monina niaro tanteraka ny tenany amin'izao tontolo izao izy, satria manana asa hatao ho an'Andriamanitra eto amin'izao tontolo izao».

8T 330 «Ny herin'Andriamanitra izay niasa niaraka tamin'ny mpanompony, dia tsapan'izay nandre... Nitoetra teo amin'ny harena mandrakizay ny fon'i Enôka... Raha mbola teto an-tany izy, dia nitoetra tamin'ny alalan'ny finoana tao amin'ny fanjakan'ny mazava».

PP 85 «Mifandrindra amin'ny sitrapon'Andriamanitra ny fony... Lehilahy nanana saina matanjaka sy voakolokolo fatratra i Enôka, ary fahalalana mahataka-davitra; nomem-boninahitra tamin'ny alalan'ny fahitana manokana avy tamin'Andriamanitra izy; ary satria efa nifandray tsy tapaka sahady tamin'ny lanitra izy, niaraka tamin'ny fahatsapana ny fahalehibeazan'Andriamanitra sy ny fahatanterahany hatrany teô anatrehany, koa dia izy no iray amin'izay nanetry tena indrindra teo amin'ny olombelona. Ny fahatapahan'ny fifandraisana amin'Andriamanitra sy ny fanalàvirana Azy, no fahatsapana ateraky ny fahalemeny sy ny tsy fahatanterahany».

Nitondra an'i Enôka ho amin'ny fahatakarana tokoa ny herin'Andriamanitra sady nameno. fanetren-tena ny fanahiny ny firaisana tsy tapaka amin'Andriamanitra. I D. L. Moody no niteny hoe: «ny fihakelezana no fiandohan'ny fahalehibiazana, ny fetezana ho kely kokoa no fitomboan'ny fahalehibiazana». Izao no nosoratan'i Ellen White: «Ny hany fahalehibiazana, dia ny fahalehibiazana ateraky ny fanetren-tena». (DA 650).

PP 885 «Dia toy izany no niandrasany teo anoloan'ny. Tompo nitady fahalalana mazava ny sitrapony, izay tsy maintsy hotanterahiny. Ny fivavahana ho azy, dia toy ny rivotra iainan'ny fanahy. Nivelona tao amin'ny tena rivotry ny lanitra izy».

77 «Tonga taratry ny endrik'Andriamaniira mitombo hatrany i Enôka, rehefa nifandray tamin'Andriamanitra toy izany. Namirapiratra ny taratra masina ny tavany, dia ny fahazavana namirapiratra teo amin'ny endrik'i Jesôsy mihitsy. Raha nivoaka avy eo amin'izany firaisana amin'Andriamanitra izany izy, dia nibanjina tamin-tahotra ny mariky ny lanitra teo amin'ny tarehiny, na dia tsy mpino aza».

«Ny fanandramana nataon'i Enôka... dia maneho izay fanandramana tokony hataontsika koa» (8 T 329). Raha mitondra ny hazo fijaliana isan'andro isika, sy manolotra ny tenantsika ho an'Andriamanitra ho amin'ny asa, ka tsy manda na inona na inona, sy mivavaka hatrany ho amin'ny fanosoran'ny Fanahy Masina isan'andro, dia ho tonga mampirapiratra ny fahazavana masina ny tavantsika, ary ny hafa dia hahatsinjo ny taratry ny lanitra eo amin'ny tarehintsika.

Tokony hifanojo amin'izay zava-dehibe ilaintsika ity fandaharana ity, ka ny Fanahy Masina dia hampiasa antsika ho toy ny fiasana mifanojo amin'ny zavatra tena ilain'izao tontolo izao. Amin'izay dia ho vita ao anatin'ny fotoana faran'izay fohy ny asan'Andriamanitra.

Tsy hiara-miteny ve isika amin'izay hoe: «Noho ny fahâsoavan'Andriamanitra sy ny herin'ny Fanahy Masina, dia maneho izay fanandramana tokony hataontsika ny fanandramana nataon'i Enôka, mandra-pahatonga'n'ny fotoana hirehetan'ny atsinanana amin'ny fiavian'ny Zanak'olona?»

PP 88, 89 «... Maneho ny fetram-pahamasinana tokony ho tratran'ireo izay havotana avy amin'ny tany' ny toetra masina nananan'ity mpaminany ity... Nefa toa an'i Enôka dia tokony hikatsaka fahadiavam-po ny olon'Andriamanitra ary fifanarahana amin'ny sitrapony mandra-pahatongan'ny endrik'i Kristy ho hita taratra eo amin'izy ireo. Toa an'i Enôka, dia tokony hampandre izao tontolo izao ny fiavian'ny Tompo ny fanindroany izy ireo... Toy ny namindrana an'i Enôka any an-danitra talohan'ny nandevonana an'izao tontolo izao tamin'ny rano, no hamindrana ny olo-masina velona eto an-tany, alohan'ny handevonana azy amin'ny afo».

8T 331 «Nandritra ny telonjato taona no tsy maintsy nitadiavan'i Enôka ny fahadiavam-po, vao nety nifanaraka tamin'ny lanitra izy. Niara-nandeha tamin'Andriamanitra izy nandritra ireo telonjato taona ireo. Isan'andro isan'andro, dia naniry firaisana etiety kokoa izy; niha-ety hatrany ny firaisana mandra-pandrain'Andriamanitra azy ho any aminy. Nijoro teo an-tokonam-baravaran'ny tany mandrakizay izy, dingana iray no nanelanelana azy sy ny tany voatahy; efa mivoha izao ny vavahady, nitohy ny fiarahana nandeha ela tamin'Andriamanitra fony teto an-tany, ary niditra ny

vavahadin'ny tanàna masina izy, dia izy izay anisan'ny voalohany amin'ny olona hiditra ao». ,

«Finoana no namindrana an'i Enôka tsy hiharan'ny fahafatesana;... fa talohan'ny namindrana azy, dia nambara fa nankasitrahana'Andriamanitra izy». (Heb. 11:5).

«Fifandraisana toy izany no iantsoan'Andriamanitra antsika. Tsy maintsy ho tahaka an'i Enôka ny fahamasinan-toetran'ireo izay havotana avy amin'ny olona eo amin'ny fiavian'ny Tompo fanindroany».

5T 555 «Ny tena ilaintsika ankehitriny, dia olona natao batisa tamin'ny Fanahy Masin'Andriamanitra, dia olona miara-mandeha amin'Andriamanitra toy izay nataon'i Enôka».

7T 155 «Na oviana na oviana no nilan'ny olona ny handeha eo anatrehan'Andriamanitra toy izay nataon'i Enôka, dia mila ny hanao toy izany koa ankehitriny ny Advantista mitandrana ny andro fahafito».

I JAONA MPANAO BATISA

7T 329 «Maneho ny fanandramana tokony hataontsika ny fanandramana nataon'i Enôka sy i Jaona Mpanao batisa».

Jaona 5 :35 «Izy (i Jaona) dia jiro nirehitra ka nazava».

DA 100 «Nantsoin'Andriamanitra hanao asa lehibe ny zanak'i Zakaria».

DA 100 «Tsy maintsy ho masina ny mpitondra hafatra toy izany. Tsy maintsy ho tempolin'ny Fanahin'Andriamanitra'mitoetra ao anatin'ny izy».

8T 333 «Mba hahazoantsika manolotra hafatra toy izay nentin'i Jaona, dia tsy maintsy manana fanandramana ara-panahy toy izany isika. Tsy maintsy mibanjina an'Andriamanitra isika, ary eo am-pijerena Azy, dia very ny fijeren-tena»,

8T 331, 332 «Nampianarin'Andriamanitra i Jaona Mpanao batisa nandritra ny niainany tany an'efitra. Nianatra ny fanambarana an'Andriamanitra tao amin'ny zavaboary izy. Nianatra ny horonan-taratsin'ny mpaminany teo ambany fitarihan'ny Fanahin'Andriamanitra izy. i Kristy no foto-piainany sy foto-pisainany andro aman'alina, mandra-pahatongan'ny sainy sy ny fony ary ny fanahiny ho feno ny fahitana be voninahitra.

«Nibanjina ny Mpanjaka tao amin'ny fahatsaran-tarehiny izy, ka very ny fijereny tena. Nibanjina ny fahamendrehan'ny fahamasinana izy, ary nahalala fa tsy ' mahomby sady tsy mahdrika ny tenany. Ny hafatr'Andriamanitra no hambarany. Eo amin'ny herin'Andriamanitra sy ny fahitsiany no hijoroany. Vonona ny hivoaka toy ny imky ny lanitra izy, tsy natahotra olona, satria nijery an'Andriamanitra. Nijoro tsy nanan-tahotra teo

anatrehan'ireo mpanjakan'ny tany izy, satria niahkohoka tamin-kovitra teo anatrehan'ny Mpanjakan'ny mpanjaka»,

FANAHY MASINA NOMENA TSY NISY FETRA

8T 333, 334 «Nijery tamim-pinoana ny Mpanavotra i Jaona, ka nisondrotra ho eo amin'ny fara tampon'ny fandavan-tena. Tsy nitady ny hisintona ny olona ho eo aminy izy, fa ny mba hanondrotra ny fisainan'ireo ho avoavo kokoa hatrany, mandra-pahatofigan'izy ireo hiantehitra eo amin'ny Zanak'ondrin'Andriamanitra... ireo izay nahatoky teo amin'ny fiàntsoana azy ho irak'Andriamanitra, dia tsy hitady voninahitra ho an'ny tenany. Ho voatelin'ny fitiavana an'i Kristy ny fitiavan-tena... Ny fanahin'ny mpaminany, izay tsy nisy fitiavan-tena mihitsy dia feno ny fahazavan'Andriamanitra... Dia toy izany koa ny mpanaraka an'i Kristy. Azontsika atoa ny handray ny fahazavan'ny lanitra mitovy amin'ny fahavononantsika tsy ho feno fizahozahoana. Azontsika atao ny hanavaka ny toetran'Andriamanitra sy hanaiky an'i Kristy amin'ny finoana, raha toa ekentsika ho babon'ny fankatoavana an'i Kristy ny eritreritra tsirairay avy. Omena tsy misy fetra izay rehetra manao izany, ny Fanahy Masina».

Fampariantenana natao ho an'ny tsirairay avy amintsika izany. Raha tanteratsika toy izay nataon'i Jaona Mpanao batisa ireo fepetra ireo, dia homena antsika izay zavatra tena ilaintsika indrindra. Amin'izay dia hampiasain'Andriamanitra ho toy ny fiasana hanome izay zava-dehibe indrindra ilain'izao tontolo izao isika.

8T 107 «Hanao ny asa Andriamanitra, raha omentsika Azy ny fitaovana ilaina».

8T 332 «Tsy tamin-kevitra tsara tefy na vinavinan-kevitra kinga no nentin'i Jaona nanambara ny hafatra nentiny. Re avy tany an'efitra ilay feony mahatahotra sy henjana kanefa feno fanantenana: «Mibebaha ianareo: fa efa akaiky ny fanjakan'ny lanitra» (Mat, 3 : 2). Nanetsika ny olona tamin-kery vaovao hafahafa izany. Voahetsika ny firenena manontolo. Nirohotra tany an'efitra ny vahoaka».

Nampiasa olona iray tany an'efitra Andriamanitra, mba hanaitra firenena iray. Vetivety, eny vetivety foana, dia hampiasa ny Sisa mpino lzy, mba hanetsika sy hanaitra izao tontolo izao manontolo. Raha tapa-kevitra ho anisan'izany mpino vitsy izany isika, dia sy maintsy hanao fiomanana haingana ankehitriny. Maneho ny fanandramana tokony hataontsika ny fanandramana nataon'i Jaona.

8T 332 «Ny tantsaha sy ny mpanarato tsy nandia fianarana avy tamin'ny tanàna manodidina; ny miaramila Rômanina avy ao an-tobin'i Herôda; ny mpifehy mirongo ny sabany, vonona ny handresy ny zava-drehetra mety hamofompofona fikomiana; ireo mpamory hetra mahihitra ao amin'ny trano fandoavana haba; ary ireo mpisorona mitondra filakitera avy ao amin'ny

Sinedriona, izy rehetra dia nihaino toy ny voasinton'ny andriamby; ary izy rehetra, na dia ny Fariseo sy ny Sadoseo aza, izay mpaneso mangatsia-po sy tsy miraika, dia lasa sady gina no voatsindrona tam-pony niaraka tamin'ny fahatsapana ny fahotany. Nandre ny hafatra tao an-dapany, ka nangovitra tamin'ny antsom-pibebahana natao i Herôda, ilay mpiavonavona sy mpanota matevin-koditra».

«Amin'izao taona izao, izay mialoha indrindra ny fiavian'i Kristy fanindroany eny amin'ny rahon'ny lanitra, dia misy asa toy ny an'i Jaona tokony hotontosaina. Miantso olona izay hanomana vahoaka hijoro amin'ny andro lehiben'i Jehôvah, Andriamanitra».

7T 16 «Eo amintsika no itambesaran'ny andraikitra hampandre an'izao tontolo izao ny amin'ny fiafarany mahatsiravina izay ho avy. Miantso ny fiangonany hifoha sy hitafy hery Andriamanitra».

CM 155 «Ny mpiasan'Andriamanitra dia tokony hahazo fanandramana lalina dia lalina. Raha mitolo-batana tanteraka aminy izy dia hiasa amin-kery ho azy ireo Izy».

NY RANONORANA AORIANA

Ny ranonorana aloha, dia ny hery manovan'ny Fanahy Masina izay mameno isan'andro ny fon'ny mpino, izay manome fandresena ny olona ary manafy amin'ny fahamarinan'i Kristy.

Ny ranonorana aoriana, dia hery enti-mijoro ho vavolombelona. Manomana ny Sisa mpino hitondra ny Antso Avon'ny Hafatry ny Anjely Fahatelo amin-kery manery izy. Amin'izay ny mason'izao tontolo izao, dia hifantoka eo amin'ireo olona mitandrina ny didin'Ahdriamanitra.

Amin'izay ny olon'Andriamanitra, dia haneho ny fitiavan'Andriamanitra-sy ny toetrany ary ny voninahiny. Amin'izay dia ho voaomana hahajoro mandritra ireo loza fito farany, tsy misy mpanelanelana, izy ireo.

1SM 192 «Tsy manam-potoana manokana ilazalazana hoe rahoviana no hisehoan'ny firotsahan'ny Fanahy Masina aho, rahoviana ny anjely mahery no hidina avy any andanitra, ary hiray amin'ny anjely fahatelo amin'ny famaranana ny asa ho an'ity izao tontolo izao ity; ny hafatro dia izao: ny hany fiarovana ho antsika, dia ny ho vonona ho amin'ny famelombeloman'ny lanitra, sady manana ny fanilontsika vonona sy mirehitra».

Na dia tsy nanondro fotoana manokana hirotsahan'ny Fanahy aza ny mpanompon'ny Tompo, dia lazainy fa «eo amin'ny fiandohan'ny andro mahory... dia hirotsaka ny ranonorana aoriana' na ny famelombelomana avy amin'ny fanatrehan'ny Tompo (EW 85, 86). Izany no andro mahory vetivety alohan'ny firotsahan'ny loza. Efa manantomotra izany fotoana izany isika, rehefa hizara ho antoko roa ny taranak'oiombelona: dia ireo manana

ny mariky ny bibidia, ary ireo izay manana ny anaran'Andriamanitra eo amin'ny handriny.

NY MARIKY NY BIBIDIA

CG 445 «Rehefa ireo fiangonana filoha any Etazonia, izay miray hevitra ny amin'ireo foto-pianarana iarahany mitandrana, no hanery ny fanjakana hampitandrana ny didiny sy hanohana ny fampianarany, amin'izay i Amerika Prôtestanta dia haka tahaka an'i Rôma Katôlika, ka tsy ho azo sorohana ny famaizana ara-panjakana ireo mpanohitra».

GC 449 «Nefa ny Kristianina taloha dia nitandrana ny Alahady, satria nanampo izy ireny fa nitandrana ny Sabatan'ny Baiboly tamin'ny fanaovana izàny; ary ankehitriny, dia misy tena Kristianina amin'ny fiangonan-drehetra, ary ao anatin'izany ny fiangonana Katôlika Rômanina, izay mino marina fa ny Alahady no Sabata notendren'Andriamanitra. Eken'Andriamanitra ny fahatsoran'ny fikasany sy ny tsy fananany tsiny eo anatrehan'ny. Fa rehefa hohamafisin'ny lalàna ny fitandremana ny Alahady, ka hazava amin'izao tontolo izao ny didy momba ny Sabata marina, amin'izay, na iza na iza handika ny didin'Andriamanitra, ka hankato didy izay tsy ambony fahefapa akory noho ny an'i Rôma, dia hanome voninahitra ny papa mihoatra noho Andriamanitra noho izany. Manaja an'i Rôma sy ny hery manamafy ny fampianarana nandidian'i Rôma izy. Manaja ny bibidia sy ny sariny izy. Ary satria ny olona mandà ny fampianarana izay nambaran'Andriamanitra ho mariky ny fahefany, ka manome voninahitra izay nofidin'i Rôma ho famantarana ny fahamboniany, noho izany dia hanaiky ny mariky ny fanekena an'i Rôma izy, dia ny mariky ny bibidia. Mandra-pahalantatry ny olona mazava tsara izay lalan-kizorany, ka haha-voatarika azy ireo hisafidy amin'ny didin'Andriamanitra sy ny didintalombelona, ka izay manohy tsy mankato amin'izy ireo no handray ny mariky ny bibidia.

5T 451 «Rehefa manolo-tanana eo ambony hantsana ny fivavahana prôtestanta, mba hihazonany ny tanan'ny fahefàna Rômanina, rehefa handingana ny hantsana izy, ka hifandray tanana amin'ny fiantsoana avelo, rehefa eo ambany fanapahan'ireo firaisana telo ireo izy, dia ho lavin'ny tanintsika ny foto-kevitra rehetra ao amin'ny laiam-panorenana maha-Prôtestanta azy sy maha-governemanta Repoblikanina azy, ary hanao fiomanana ho amin'ny fampielezana ny fitaka sy ny hevitra tsy izin'ny papa izy; amin'izay dia tsy maintsy ho fantatsika fa tonga ny fotoana anaovan'i Satana asa mahagaga, ary efa akaiky ny farany».

GC 449 «...Ny fanamafisana ny fitandremana ny alahady any Etazonia dia ho fanamafisana ny fifankatiavan'ny bibidia sy ny sariny».

Hanamarika ny fahavaran'i Babilôna izany.

Izany no tena fiafaran-javatra.

Ny hany valin-tenin'Andriamanitra ny amin'ny fifandraisan'ny

bibidia sy ny sariny, dia ny fanehoana an'Andriamanitra

tafaverina ao amin'ny fanahy sy hita taratra ao amin'ny fiainana.

Manakaiky haingana dia haingana ny andro fizahan-toetra. Tokony hiomana isika ankehitriny.

7T 141 «Ny fanoloana ny lalàn'Andriamanitra amin'ny lalàn'olombelona, ny fanandratana, amin'ny alalan'ny fahefan'olombelona fotsiny ny Alahady ho solon'ny Sabatan'ny Baiboly. no fizarana farany ao amin'ity tantara ity».

RH May 2, 1893 «Vahoaka nahazo tombontsoa ny vahoakan'i Etazonia; nefa rehefa foanany ny fahalalana ara-pivavahana ka nilaozany ny fivavahana Prôtestanta ary nanaiky ny papa izy, dia ho feno fatra ny kapoakany, ary ho voasoratra ao amin'ny bokin'ny lanitra ny fihemoran'ny firenena. Faharavan'ny firenena no ho vokatr'izany fihemorana izany».

6T 18 «Toa an'i Amerika, dia hivondrona ao amin'ny fanjakana papaly ny tanin'ny fahalalahana ara-pivavahana, amin'ny fanerena ny saina sy ny olona hanaja ny sabata sandoka, ho voatarika hanaraka ny ohatra omeny ny vahoaka eran-tany».

6T 395 «Hanaraka ny ohatra omen'i Etazonia ny firenen-kafa. Na dia mania aza izy, dia mbola hianjady amin'ny-vahoaka eran'izao tontolo izao ny andro sarotra mitovy amin'izany».

GC 591 «Hanambara ny filazana avy amin'ny fanahy fa nalefan'Andriamannitra izy ireo, mba handresy lahatra ny mpanohitra ny Alahady ny amin'ny fahadisoany sady manizingizina fa ny lalàn'ny tany onenana dia tokony hankatoavina toy ny lalàn'Andriamanitra. Halahelo ny amin'ny faharatsiana be mianjady eto amin'izao tontolo izao izy ireo, ary hanohana ny fanambarana ataon'ny mpampianatra ara-pivavahana milaza fa ny fitotonganana'ny lalàm-pitondrantena, dia vokatra ny fanitsakitsahana ny Alahady. Ho lehibe ny fahatezerana hamporisikia hanohitra izay rehetra mandà tsy hanaiky ny fanambarana ataony».

GC 607 «Hiantso ny sandry maherin'ny fanjakana ny fiangonana, ary hiray ny mpomba ny- papa sy ny Prôtestanta amin'izany asa izany. Ary satria mihasahy sy hentitra ny fanamafisana ny Alahady, koa dia hantsoina indray ny lalàna hamely ireo mpitandrina ny didy. Horahonana sy hosazina vola sy hampidirina am-ponja izy ireo, ary ny sasany hotolorana toerana ambony fa ny sasany kosa valisoa sy tombon-tsoa, ho fitaomana azy handà ny finoany».

ILAY FIZAHAN-TOETRA LEHIBE

2SM 368 «Rehefa nobangaina ny lalàn'Andriamanitra dia hosivanina amin'ny alalan'ny fitsapana mahamay ny fiangonana; ary ny ankabeazany noho izay fantatsika alohan'ny fotoana, dia hihaino ny fanangolen'ny fanahy sy ny fampianaran'ny devoly».

5T 717 «Ranadahiko, azonao an-tsaina va fa ny famonjena ny tenanao, toy ny anjaran'ireo fanahy hafa koa, dia miankina amin'ny fiomanana ataonao ankehitriny ho amin'ny fizahan-toetra manoloana antsika».

Review DA 107, paragirafy farany; DA 173, paragirafy voalohany; ary Rôm. 8:14.

7BC 976 «Nasehon'ny, Tompo ahy mazava tsara fa ho voavolavola alohan'ny fiakaran'ny fizahan-toetra ny sarin'ny bibidia, satria izany no ho fizahan-toetra lehibe ho an'ny vahoakan'Andriamanitra, dia fizahan-toetra hanapahana izay ho anjarany mandrakizay».

GC 608 «Raha manakaiky ny tafiotra, dia hisy antoko betsaka izay mino ny hafatry ny anjely fahatelo, nefa tsy voamasin'ny fankatoavana ny fahamarinana, handao ny toerany, ary hanatevin-daharana ny mpanohitra».

Mety ho io no fotoana hakan'i Satana ny endrik'i Kristy. Vakio GC 622 - 625.

2 SM 51 «Nasaina nitandrina isika fa amin'ny andro farany izy (i Satana), dia hiasa amin'ny aialan'ny famantarana sy ny fahagagana mamitaka. Ary hotohizany izany fahagagana izany mandra-pifaran'ny andro fizahan-toetra, ka mety hilaza amin'izy ireo miharihary izy fa anjelin'ny mazava fa tsy an'ny maizina»

5T 81 «Amin'izay fotoana izay, ao amin'ny fiangonana, dia havahana amin'ny tain-drendrika ny volamena. Hiavaka mazava tsara amin'ny fisehoana ivelany sy ny ankosotra ny tena fitiayam-bayaka. Maro amin'ireo kintana nitalanjonantsika noho ny famirapirany no hivoaka ho any amin'ny maizina».

DA 630 «Ireo izay mihemotra am.in'io andro fizahan-toetra io mba hiarovany tena, dia hanao vavolombelona: mandainga, ka hamadika ny rahalahiny. Nampitandrina antsika i Kristy, ka tokony tsy ho gaga isika amin'ny fomba lozabe sy tsy fanao asehon'ireo 'izay nanary ny fahazavana».

NY RANONORANA FAIRANY SY NY ANTISO AVO

GC 464 «Alohan'ny fanivanana farany ataon'ny fitsaran'Andriamanitra eto an-tany, dia mety hisy toa fifohazan'ny fitiavam-bavaka voalohany eo amin'ny vahoakan'ny Tompo, izay tsy mbola fahita hatramin'ny andro apôstôlika. Harotsany eo amin'ny zanany ny Fanahy sy ny herin'Andriamanitra».

EW 85 Teo am-piandohan'ny andro mahory dia nofenoina ny Fanahy Masina isika, raha nandroso nitry ny Sabata tamin'ny tomba feno kokoa...

«Ny fiandohan'ny andro mahory voalaza eto, dia tsy manondro ny fotoana fanombohan'ny firtatsahan'ny loza, fa fotoana fohy alohan'ny handatsahana azy indrindra, raha mbola ao amin'ny fitoerana masina i Kristy. Amin'izay

fotoana izay, rehefa mifarana ny asam-pamonjena, dia hianjady eto an-tany ny fahoriana, ary ho tezitra ny firenena. kanefa ho voatana tsy hahasakana ny asan'ny anjely fahatelo. Amin'izay fotoana izay, dia hirotsaka ny «Ranonorana Farany», na ny famelombelomana avy amin'ny fanatrehan'ny Tompo, mba hanome hery ny feo avon'ny anjely fahatelo, ary hanomana ny olo-masina hahajoro amin'io fotoana io, rehefa harotsaka ny loza fito farany»,

6T 401 «... Rehefa mianjady amintsika tokoa ny rivo-dozan'ny fanenrehana, ny ondry marina dia te handre ny tena feon'ny Mpiandry ondry. Ny fiezahana handà tena dia hitarika hamonjy ny very ary maro amin'ireo izay very avy ao amin'ny andiany, no hiverina hanaraka ny Mpiandry ondry lehibe...»

«Ny fitiavana an'i Kristy, fitiavana ny rahalahintsika, dia hanambara amin'izao tontolo izao, fa efa niaraka Jesôsy sy niariatra taminy isika. Amin'izay dia hitombo amin'ny feo avo ny hafatry ny anjely fahatelo ary ny tany rehetra dia hohazavain'ny voninahitry ny Tompo».

EW 227 - 279 «Nahita fahazavana lehibe nitoetra teo amboniny aho, ary niray hina hitory tamim-pahasahiana ny hsfatry ny anjely fahatelo izy ireo...»

«Nitoetra teo amin'izay nanam-paharetana, dia ireo olo-masina niandry ny voninahitr'Andriamanitra, sy nanao ny fampitandreman-dehibe farany tamim-pahasahiana izy ireo, sy mitory ny faharavan'i Babilôna ary miantso ny olon'Andriamanitra hivoaka avy ao, mba hahazoany mandositra ny fahafatesana mahatahotra hihatra aminy...»

«Ny mpanompon'Andriamanitra, nahazo hery avy any ambony, amin'ny endrika mirana sy mampiraty ny fanoloran-tena masina, dia nandroso nitory ny hafatra avy any andanitra. Ireo fanahy naporitaka tao amin'ny vatana mpivâvaka dia namaly ny antso, ary ny sarobidy tamin'izy ireo, dia navoaka faingana avy ao amin'ny fiangonana very, toy izay nisarihina faingana an'i Lôta avy tao Sôdôma talohan'ny fandravana azy».

Vakio GC 612

GC 606 «Fomba toy izany no hitoriana ny hafatry ny anjely fahatelo. Rehefa tonga ny fotoana hitoriana izany amin-kery lehibe, dia hiasa amin'ireo fiasana manetry tena Andriamanitra, ka hitarika ny sain'ireo izay nanokan-tena amin'ny asany. Ny fanosoraniny Fanahiny no hitsarana ny mpiasa mihoatra noho ny fampianarana. Ho voasesika handroso amin-kerim-po masina ireo olon'ny finoana sy ny fivavahana, ka hitory ny teny omen'Andriamanitra azy ireo. Habaribary ny fahotan'i Babilôna. Tsy voasarona ireo vokatry mahatahotra ateraky ny fanèrena hankato ny Eglizy ataon'ny fahefam-panjakana sy ny fanaforan'ny fampianarana momba ny fiantsoana avelo ary ny herin'ny papa misoko mangina nefa mitombo haingana dia hângana. Arivoarivo no hihaino amin'ireo izay mbola tsy nandre na oviana na oviana ny teny mitovy amin'izany».

8T 20 «Amin'ny fomba mahery toy izany no ahazoan'Andriamanitra hiasa rehefa mitolobatana eo ambany fanaraha-mason'ny Fanahy ny olona»,

Izao no fotoana tokony ho nahavitan'ny fiangonana ny asany amim-boninahitra mampirapiratra izay hanazava izao tontolo izao!

5T 754 «... Maneho ny hataingan'ny tomba hahatanterahana ny asa, amin'ny farany, ny fitsoriakan'ny hazavana».

8T 96 «Hisy toe-javatra mitampitohy haneho ta Andriamanitra no Tompon'ny tandehan-javatra».

Rom. 9 :28 «Fa amin'ny tahatanterahana faingana no hanefan'i Jéhovah ny teniny ambonin'ny tany».

5T 19 «Fa ny hata-pahamarinan'i Kristy dia natao hanakoako hatrany am-paran'ny tany mba hanomana ny lalan'i Jéhovah. Izany no voninahitr'Andriamanitra izay hamarana ny asan'ny anjely fahatelo».

MB 43 (70) «Ho antsika amin'izao taranaka farany izao ny teny nolazain'i Kristy tamin'ny mpaminanin'ny filazantsara, izay naverina indray tao amin'ny toriteny tao antendrombohitra! «Mitsangàna, mihazavà, fa tonga ny fahazavanao, ary ny voninahitr'i Jéhovah efa miposaka aminao» (Isa. 60 : 1)... raha voninahitr'i Jéhovah efa miposaka aminao» (Isa. 60 : 1)... raha nahita ny hatsaran-tarehiny izay isan'ny « tampony indrindra amin'ireo an'aliny, sy Ilay hany 'mahate ho tia amin'ny rehetra, raha tonga namirapiratra noho ny fanatrehan'ny voninahiny ny fanahinao, dia ho anao no nandefasan'ny Tompo izany teny izany».

COL 415 «Haely ao anatin'ny haizin'izao tontolo izao ny fahazavan'ny voninahiny sy ny fahatsarany mbamin'ny famindrampony ary ny fahamarinany».

EW 279 «Nentina teo amin'ny fotoana nifaranan'ny hafatry ny anjely fahatelo aho. Nitoetra teo amin'ny vahoakany ny herin'Andriamanitra; nahavita ny asany izy ary voaomana ho amin'ny ora tizahan-toetra manoloana azy. Nandray ny ranonorana farany izy ireo na ny famelombelomana avy amin'ny fanatrehan'ny Tompo ary dia nofohazina indray ny fanambarana velona. Heno hatraiza hatraiza ny fanambarana lehibe farany, ary izany dia nanetsika sy nahatezitra ireo mponin'ny tany tsy nandray ny hafatra».

TM 445 «Ireo izay maharesy izao tontolo izao sy ny nofo ary ny ratsy no hany hankasitrahana handray ny tombo-kasen'Andriamanitra velona».

5BC 968 «Talohan'ny nidirantsika tamin'izany indrindra (ny andro mahory) dia nandray ny tombo-kasen'Andriamanitra isika rehetra. Ary hitako ny anjely efatra nijanona tsy nitana ny rivotra efatra. Ary nahita mosary sy areti-mifindra sy sabatra, sy firenena mitsangana hamely firenena aho, ary izao tontolo izao manontolo dia tao anatin'ny fifanjevona».

GC 613 «... nampiharina tamin'izao tontolo izao ny fitsapana farany, ary izay rehetra naneho fahatokiana tamin'ny lalàn'Andriamanitra dia nandray ny toombokasen'Andriamanitra velona'. Tamin'izay dia nampiato ny fanelanelanana nataony tao amin'ny fitoerana masina any ambony i Jesôsy».

NY FIFARANAN'NY FIZAHAN-TOETRA

EW 279 - 281 «Nahita anjely nivezivezy haingana nankany an-danitra aho. Anjely iray nanana fanoratana tandroka teo anilany niverina avy any amin'ny tany ary nitatitra tamin'i Jesôsy fa vita ny asany, ary efa voaisa sy voaisy toambo-kase ny olo-masina. Ary hitako i Jesôsy nanao fisoronana teo anoloan'ny fiara mirakitra ny didy folo niantoraka teo amin'ny fandoroana ditin-kazo manitra. Nanangana ny tanany lzy ary niteny tamim-peo mahery hoe: 'Vita! Ary ny anjely rehetra nanala ny satroboninahiny raha nanao izao fanambarana miezinezina izao i Jesôsy, 'Aoka izay tsy marina mbola hanao ny tsy marina ihany; aoka izay maloto mbola hihamaloto ihany; ary aoka izay marina mbola hanao ny marina ihany; ary aoka izay masina mbola hihamasina ihany'...

«Raha nifindra niala tao amin'ny fitoerana masina indrindra i Jesôsy, ... dia nisy rahon'ny hazim-pito nanarona ny mponina an-tany. Tsy nisy mpanelanelana intsony ny olon-diso sy Andriamanitra notsiratsiraina...»

«Ary nahita an'i Jesôsy nanala ny fitafiana maha-Mpisorona Azy aho, ary nanao ny akanjo maha-Mpanjaka Azy indrindra. Nisy satroboninahitra maro teo amin'ny lohany, dia satroboninahitra ao anaty satroboninahitra. Nandao ny lanitra lzy sady voahodidin'ny tafiky ny anjely. Nilatsaka tamin'ny mponina an-tany ny loza. Ny sasany niampanga an'Andriamanitra sy nanazona Azy. Ny sasany kosa niantoraka tamin'ny vahoakan'Andriamanitra sady niangavy ny hilazana aminy ny fomba handosirana ny fitsarany. Nefa tsy nanana na inona na inona omena azy ireo ny olo-masina. Efa narotsaka ny ranomaso farany ho an'ny mpanota, efa natolotra ny fangatahana farany, efa natao ny fampitandremana farany... Reny tamim-pomba mahatsiravina miavaka tsara ny hoe; «Diso aoriana loatra! diso aoriana loatra!»

Tsy ho fantatsika ankehitriny hoe olona firy arivo no haniry ny ho faty rehefa hanomboka hianjera ny loza? Ho diso aoriana amin'izay ny fanoloran-tena tsy misy fepetra sy ny vavaka amin-kafanam-po mba hatao batisa amin'ny Fanahy Masina isan'andro.

Izao no fotoana fanokanan-tena sy fanaovana fiomanana maika ho amin'ny ranonorana farany.

5T 22 «Nahoana isika no tsy noana sy tsy mangetaheta ny fanomezan'ny Fanahy, nefa izany no fomba handraisantsika hery? Nahoana isika no tsy miteny sy mivavaka ny amin'izany ary mitory izany?»

TM 64 «...Nahoana isika no tsy miankohoka eo amin'ny seza fiandrianan'ny fahasoavana, amin'ny maha-solontenan'ny fiangonana, sy hanao fitarainana mafana avy amin'ny fo toratoro sy ny fanahy mangorakoraka mba handatsahana ny Fanahy Masina amintsika avy any ambony?»

COR 165 «Amin'ny maha-vahoaka antsika, dia tokony hanana fo manetry tena eo anatrehan'Andriamanitra isika, ary hiangavy Azy hanome ny Fanahy Masina;...»

«Mila ny hohamasinin'ny Fanahy Masina mandritra ny ora rehetra ao amin'ny andro iray isika, sao dia tafiditra ao amin'ny fandriky ny fahavalo isika ka ho tandindomin-doza ny fanahintsika».

Ny adidintsika dia tsy ny haharitra fotsiny ao amin'ny asan'Andriamanitra ka hahazo tombony isan-taona isan-taona. Efa tratra aopiana ela ny ora tokony hamelantsika an'Andriamanitra hampiasa antsika, mba hamitana haingana ny asa amin-kery matanjaky ny Fanahiny.

9T 44 «Hafanam-po fatratra no tokony hambabo antsika izao».

Fotoanan'ny loza lehibe indrindra izao.

Masin-toetra izay rehetra haharitra tsy ho levon'ny loza fito.

Ny tena ilaina, ny tena zava-dehibe indrindra ilain'ny fiangonana sisa dia tsy mambra mpitory bebe kokoa na vola be kokoa na tomba maro kokoa. Ny zava-dehibe indrindra ilaina ankehitriny dia ny hamenoan'ny Fanahy nv lehilahy sy ny vehivavy.

Manana trano fianarana lehibe isika.

Manana ny filazantsara ambony indrindra eto amin'izao tontolo izao isika.

Manana ny fandaminana lehibe indrindra eto amin'izao tontolo izao isika.

Nefa mba hamitana ny asan'Andriamanitra, dia tsy maintsy mandray batisan'ny Fanahy Masina vaovao isan'andro isika.

Iza no hamaly tsy misy fepetra ny fihantsiarina maikan'ity fotoanan'ny fantaran'ny tany ity?

LOZA MANANONTANONA

5 T 644 «... Raha tsy azon'i Satana fatorana ao amin'ny fangatsiahan'ny tsy firaihan'ny fanahy, dia handramany hatosika ao amin'ny afon'ny hafanam-po diso tafahoatra».

Faith I live By 140 «Na iza na iza mitaky fahamasinana dia masina tokoa. Ireo izay voasoratra ao amin'ny bokin'ny lanitra dia tsy mahalala izany

zavatra izany, ary izy ireo no hany farany hirehareha ny amin'ny fahatsaran'ny tenany».

SL 7 «Ireo izay mitady marina ny hahatonga lafatra ny toetra kristianina dia tsy handefitra na oviana na oviana amin'ny fiheverana fa tsy manana ota izy ireo. Tokony ho tsy misy tsiny ny fiainany, ary tokony hivelona amin'ny maha-solontenan'ny fahamarinana nekeny izy; ka arakaraka ny hifehezany ny sainy mba hitoetra ao amin'ny toetran'i Kristy, no hanakaikезany bebe kokoa ny endrik'Andriamanitra, ary arakaraka ny hanavahany mazava ny fahatanterahany tsy misy pentina, no hahatsapany lalina kokoa ny kilemany».

SC 64 «Arakaraka' ny hanatonanao akaiky an'i Jesôsy no hisehoan'ny fahadisoanao bebe kokoa eo imasonao, satria hohazavaina ny fahitanao, ary ny tsy fahatanterahanao dia ho hita miharihary, ary hiavaka ny fifanoherany amin'ny toetrany tonga lafatra».

FANDRIK'I SATANA

GW 316 «Satria hita soritra ny fahantomoran'ny farany, koa dia hiasa amin'ny heriny rehetra ny fahavalo hampiditra hafanam-po diso toerana eto amintsika».

8T 293 «Haseho ny vahoakan'Andriamanitra ny foto-kevitra diso voasalotry ny akanjon'ny mazava. Amin'izany dia handraman'i Satana ho fitahina raha azo atao, ny olona tena tapa-kevitra!»

7BC 907 «Satria manakaiky ny fiafaran'ny andro isika, koa dia haharo amin'ny fahamarinana ny fitaka, ka izay tarihin'ny Fanahy Masina ihany no afaka hanavaka ny fahamarinana amin'ny fahadisoana».

TM 55 «Mety hiseho ho tena mafana fo amin'ny asan'Andriamanitra ny mpampianatra sandoka sady mety hampiasa ny tomba rehetra hitondrana ny foto-keviny eo anatrehan'izao tontolo izao sy ny fiangonana; nefa satria mampifangaro ny marina amin'ny diso izy, koa dia fitaka ihany ny hafatra entiny, ka hitcwika ny fanahy any amin'ny lalan-diso. Tokony hosetraina sy hotoherina izy ireny, tsy noho ny maha-olon-dratsy azy ireny, fa noho izy mpampianatra fitaka ka miezaka hanarona fahadisoana ny tombo-kasen'ny fahamarinana».

TM 61 «Manana fiangonana eto an-tany Andriamanitra, dia izay vahoaka voafidiny sy mitandrina ny didiny. Tsy taranaka very, ka ny iray etsy ary ny iray ery no tarihiny, fa vahoaka iray dia».

Ireo izay alaim-panahy hanampy an'i Satana amin'ny faninitsiniana ny mpitarika na ny mambra laika ao amin'ny fiangonana sisa, dia tsara raha mieritreritra ny anatry ny iraky ny Tompo ao amin'ireto teny nalaina ireto:

6T 42 «Tsy misy na inona na inona tena malala amin'Andriamanitra toy ny Fiangonany eto amin'izao tontolo izao. Tsy misy na inona na inona

manafintohina an'Andriamanitra toy ny asa izay manimba ny fahefan'ireo izay manao ny asany. Mbola hantsoiny hampamoahina, izay rehetra manampy an'i Satana amin'ny asany amin'ny alalan'ny faninitsiniana sy ny fanakianana»,

8T 36 «Tsy maintsy hafana fo mafy tokoa isika. Tsy manam-potoana kely akory holaniana amin'ny faninitsiniana sy ny fiampangana isika».

TM 156 «Ho tia ireo fanahy nanolorany ny ainy ireo izay tia an'i Jesôsy. Ny fahamarinana novolena tao am-po dia haneho ny fitiavan'i Jesôsy sy ny heriny manova. Na inona na inona henjana sy mampaharikivy sy maninitsiny ary manjakazaka dia tsy avy amin'i Kristy fa avy amin'i Satana».

Ny fironana haninitsiny dia tokony ho fambara loza ho anlsika, satria rehefa manadio sy manova antsika ny Fanahy Masina, dia ho feno ny fitiavan'Andriamanitra sy ny fitiavana ny rahalahy ny fontsika.

Marina fa raha mbola eo amin'ny toerana nisy an'i Laodikia ny ankamaroan'ny fiangonana sisa, dia maro amin'izy ireo no ho voahozongozona, kanefa mbola misy antoko mpino ihany ao amin'ny fiangonana izay hitandrina ny toro hevitr'i Kristy Ilay Vavolombelona Marina. Ho voaomana ho amin'ny ranonorana farany izy ireo sy hizara ny hafatra amin-Peo Avo, ary ho vonona ho amin'ny famindran-toerana.

Ity no fiangonana sisa. Tsy hitarika fihetsehana hafa intsony Andriamanitra. Rehefa hitory ny hafatra amin-kery lehibe mandritra ny ranonorana farany ny mpino dia hisy vahoaka marobe hivoaka avy ao amin'ny fiangonana rava, ka hijoro ho Vavolombelon'ny Tompo ary handresy miaraka amin'ny voavotra eo amin'ny ranomasina fitaratra.

Izao no fotoana fiomanana ho amin'ny ranonorana farany. Ary tsy maintsy hotsarovantsika isan'andro fa tsy maintsy ho eo ambany fanevan'ny ranonorana aloha ity asam-piomanana ity.

TENY NALAINA FANAMPINY NATAO HOTSAKOTSAKOINA

EW 6, 67 «Nesorina avy teo amin'ny voninahitra ny masoko ary nampifantohana teo amin'ny sisa teny ambonin'ny tany. Niteny tamin'izy ireo ny anjely hoe, «Tapa-kevitra handositra ny loza fito va ianareo? Tapa-kevitra hanome voninahitra sy hifaly amin'izay rehetra nomanin'Andriamanitra ho an'izay tia Azy ary maniry ny hijaly noho ny fitiavana Azy? Raha izany, dia tsy maintsy ho faty ianareo mba ho velona. Aoka ho vonona, aoka ho vonona, aoka ho vonona. Tsy maintsy miomana bebe kokoa noho izao ankehitriny izao ianareo... Atero ho fanatitra ho an'Andriamanitra ny zava-drehetra. Tariho ho eo amin'ny alitarany ny zava-drehetra: ny tena ny fananana sy ny zava-drehetra, ho fanatitra velona.

«Ho mora vidy loatra ny lanitra raha amin'ny alalan'ny fahoriana no ahazoantsika izany. Tsy maintsy manda tena eny amin'ny lalan-

kalehantsika rehetra isika, sy ho faty ny amin'ny tena isan'andro, ka i Jesôsy Irery no havela hiseho, ary hibanjina mitohy hatrany ny voninahiny...

«Izao no lazain'ny anjely: «Mandava tena; tsy maintsy mandeha haingana ianareo!»

KH237 «Angataho ny Tompo haneho aminao ny tenanao;...»

«Tsy maintsy ho faty ny tena».

KH 291 «Ny ho fahasambarantsika mandrakizay amin'ny ho avy dia miankina amin'ny fananantsika ny maha-olombelona antsika miaraka amin'ny fahaizany sy ny heriny eo amin'ny fankatoavana an'Andriamanitra sy eo ambany fanaraha-masony...»

«Tonga olombelona i Jesôsy mba hahazoany manelanelana ny olona sy Andriamanitra,... mba hahazoany mamerina amin'ny olona ilay saina tany ampiandohana veriny tany Edena tao anatin'ny fakam-panahy maharenoka nataon'i Satana».

«... Mety handresy ny olon-drehetra ao amin'i Jesôsy Kristy...».

1 SM 98 «Irin'ny Tompo mba ho tapa-kevitra hafana fo ny tsirairay avy amintsika».

9T 44 «Hafanam-po be no tokony hambabo antsika izao».

5T 267 «Angataho ny hery matanjaky ny Fanahy Masina amin'ny fahafainganany rehetra sy ny heriny mpanamboatra sy manova, mba hilatsaka toy ny dona ateraky ny herim-baratra eo amin'ny fanahy voan'ny paralisisa, izany dia mahatonga ny ozatra tsirairay avy hientanentana amin'ny aina vaovao, sy mamerina amin'ny laoniny ny olona manontolo avy ao amin'ny toeram-pahafatesana sy vovoka ary feno filàna, ho amin'ny fahasalamana ara-panahy. Ho tonga mpandray anjara amin'ny toetran'Andriamanitra ianao amin'izany rehefa nandositra ny faharatsiana ao amin'ny filan-dratsin'izao tontolo izao; ary ho hita taratra ao amin'ny fanahinao ny endrik'ilay nanasitrana anao tamin'ny alalan'ny dian-kapoka taminy».

CH 138 «Mba ho voadio sy hijanona ho madio dia tsy maintsy manana ny, Fanahy Masina ao am-pony sy ao an-tokantranony ny Advantista mitandrana ny Andro Fahafito.

«Nomen'ny Tompo fahazavana aho, ka rehefa manetry tena eo anatrehany ny Isiraely ankehitriny, sy manadio ny tempolin'ny fanahy ho afaka amin'ny fahalotoana rehetra, dia handre ny fivavahany mba hanasoa ny marary lzy, ary hitahy amin'ny fampiasana ny fanafodiny amin'ny aretina».

PK 255 «Miova daholo ny zava-drehetra ho an'ny fo voadio. Ny fiovan-toetra no vavolombelon'ny fitoeran'i Krsity ao ahaty eto amin'izao tontolo

izao. Miteraka aina vaovao ao amin'ny fanahy, ary mitondra ny eritreritra sy ny faniriana ho eo amin'ny fankatoavana ny sitrapon'i Kristy ny Fanahin'Andriamanitra; ary nohavaozina araka ny endrik'Andriamanitra ilay olona anaty».

7T 33 «Nanao izay tokony hataon'ny mambra rehetra ao amin'ny fiangonana ankehitriny ny apôstôly rehetra».

AA 49, 50 «Isan'andro izy ireo dia nivavaka hahazoana fanampim-pahasoavana vaovao izay tsy maintsy ho tongany avoavo kokoa hatrany amin'ny fahatanterahana. Ao ambany fitarihan'ny asan'ny Fanahy Masina, na dia ny malemy indrindra aza rehefa mampiasa ny finoany an'Andriamanitra, dia nianatra ny hanatsara ny hery natolotra azy, sy ho voamasina sy voadio ary voasandratra. Satria milefitra eo amin'ny famolavolan'ny herin'ny Fanahy Masina izy ao anatin'ny fanetren-tena koa dia nandray ny fahafenoan'ny maha-Andriamanitra, ary namboarina ho amin'ny fitoviana amin'Andriamanitra.

«... Raha maniry izany ny rehetra, dia hofenoina ny Fanahy».

CH 437 «Satria ny olombelona fiasana mampandefitra ny sitrapony eo amin'ny an'Andriamanitra, ny Fanahy Masina kosa dia hartisy marika ny fon'ny olona izay hiasany».

MH 512 «Tsy misy na inona na inona tena ilaina eo amin'ny asantsika toy ny vokatra azo ampiharina avy amin'ny firaisana amin'Andriamanitra. Tokony hasehontsika amin'ny fiainantsika andavanandro fa mitoetra ao amin'ny Mpamonjy isika ary mihavana aminy. Hamirapiratra eo amin'ny endrika ny fiadanany izay mitoetra ao am-po. Hanome hery mandresy lahatra ny feo izany. Hanandratra ny toetra sy ny fiainana ny firaisana amin'Andriamanitra. Hahafantatra ny olona fa efa niaraka tamin'i Jesôsy toy ny mpianatra voalohany isika. Hanome hery ny mpiasa izay tsy azon'olona na iza na iza omena izany. Tsy azony ekena mihitsy ny tsy hahazo avy amin'izany hery izany».

FAHAZOA-MANAO TSY VOAFETRA

DA 250 «Izay tia an'i Kristy indrindra dia hanao soa be miavosa indrindra. Tsy misy fetra ny hilàna an'izay mamboatra toerana ho an'ny asan'ny Fanahy Masina ao am-pony amin'ny famelana ny izaho, ka hivelona amin'ny fiainana natokana manontolo ho an'Andriamanitra.».

MH 160 «Ny olona tsirairay izay nanolo-tena ho an'Andriamanitra mba hiasa, ka tsy manda na inona na inona, dia nomena hery hahazoana vokatra tsy voafetra».

INDRO EFA MITSANGANA EO AM-BARAVARANA AHO KA MANDONDONA

2 SM 57 «Ny fahotana lehibe ataon'ireo izay milaza azy ho Kristianina dia ny tsy fanokafany ny fony mba handray ny Fanahy Masina.»

COR 146 «Raha vohainao ny varavaran'ny fonao, dia hofenoin'i Jesôsy ny banga, amin'ny alalan'ny fanomezana ny Fanahiny, ka ho tonga mpitoriteny velona ianao amin'izay fotoana izay, ao an-tokantranonao, sy ao am-piangonana, ary eo amin'izao tontolo izao.»

7T 33 «Ny zavatra rehetra nataon'ny Apôstôly dia tokony hataon'ny mambran'ny fiangonana tsirairay ihany koa. Ary tokony hiasa amin-kafanam-po bebe kokoa aza isika, no tokony homban'ny Fanahy Masina amin'ny fatrany bebe kokoa, satria ny fitombon'ny faharatsiana dia mitaky antso mahery vaika kokoa ho amin'ny fibebahana...

Raha manantomotra ny faran'ny zavatra rehetra, moa ve tsy tokony hihoatra lavitra noho ny zotom-pon'ny fiangonana voalohany ny an'ny fiangonana, amin'izao fotoana izao? ... Ary moa ve tsy tokony hiseho amin-kery bebe kokoa noho ny tamin'ny andron'ny Apôstôly ny fahefan'Andriamanitra?»

FANAFOHEZAN-TENY

AA	Acts of the Apostles	MH	Ministry of Healing
BC	Bible Commentary, Volumes 1 MG		Mount of Blessing
COL	Christ's Object Lessons	OHC	Our High Calling
COR	Christ Our Righteousness	PK	Prophets and Kings
CH	Counsels on Health	PP	Patriarchs and Prophets
CM	Colporteur Ministry	RH	Review and Herald
DA	Desire of Ages	SC	Steps to Christ
Ed	Education	SL	Sanctified Life
Ev	Evangelism	SM	Selected Messages, Volumes 1,2
EW	Early Writings	SufC	Sufferings of Christ
GC V	Great Controversy	T	Testimonies, Volumes 1-9
GW	Gospel Workers	TM	Testimonies to Ministers
KH	That 1 May Know Him		